

მწყმეწი

1935 წლის
21 იანვარი



მე ვარ მწყმეწი კეთილი: მწყმეწმან კეთილმან სული თვისი დაჰსდვის ცხოვართათვის. იოან. 10—11.
შოვე ცხოვარი ჩემი წაწყმედული. მსრეთ იყოს სიხარულ ცათა შინა, ერთისათვის ცოდვილისა. ლუკ. 15—4.
მოვედით ჩემდა ყოველნი მაშურალნი და ტვირთ-მძიმენი და მე განგისვენოთ თქვენ. მათ. 11—28.

№ 17—18


1883—1901

1—30 სექტემბერი

კავკასიის სამრეწველო-სასოფლო გამოფენა.

კვირას ამა 2 სექტემბერს, ნაშუადღევს პირველ საათზედ გაიხსნა კავკასიის საიუბილეო სასოფლო-სამეურნეო და სამრეწველო გამოფენა. დილით დიდძალი ხალხი მოაწყდა გამოფენას. პირველ საათზედ მობრძანდნენ მათი ბრწყინვალეობა, კავკასიის მთავარ-მართებელი, გენერალ-ადიუტანტი გ. ს. გოლიცინი, მისი თანაშემწე გენერალ-ლეიტენანტი ა. ა. ფრეზე სხვა-და-სხვა სამხედრო და სამოქალაქო დაწესებულებათა უფროსნი და წარმომადგენელნი, თავდა-აზნაურობა, გუბერნიის წინამძღოლი თავ. დ. ზ. მელიქოვი, სახელმწიფოების კონსულები და მრავალნი სხვანი.

სწორედ პირველ საათზედ გამოფენის შუა შენობაში—სააბრეშუმო განყოფილებაში, დაიწყო პარაკლისის გარდახდა მისმა მაღალ ყოვლად უსამღვდელოესობამ, საქართველოს ექსარხოსმა ფლაბიანემ. პარაკლისის შესრულებაში მონაწილეობდნენ მხოლოდ სემინარიის რექტორი, ინსპექტორი, დეკ. ვოსტორგოვი და სიონის ტაძრის კანდელაკი მღვდელი ტოტიბაძე. ქალაქის სამღვდელოებათაგანი არაფერ არ ყოფილა. სახარების წაკითხვის შემდეგ დეკ. ვოსტორგოვმა სიტყვა წარმოსთქვა. სიტყვაში, სხვათა შორის, მოიხსენია, აღექსანდრე პირველის მანიფესტის სიტყვები საქართველოს რუსეთთან შეერთების გამო. იმპერატორმა ბრძანაო, წარმოსთქვა ვოსტორგოვმა: „საქართველოს უერთებ რუსეთს იმიტომ კი არა, რომ ადგილი მიუმატო რუსეთის იმპერიას, რო-



მელსაც ისედაც აუარებელი ადგილი უჭირავს, საქართველოს მიწა ჩვენთვის სრულებით საქირო არ არისო; ჩვენ გვსურს, რომ დავამყაროთ საქართველოში სამართალი და ხალხის კეთილ-დღეობაო. ეს აღთქმა და დაპირება ყოველთვის მტკიცედ სრულდება და ამას ყველამ ყურადღება უნდა მიაქციოსო. რომ ხალხის მდგომარეობა გაუმჯობესდა და ცხოვრება კეთილად წარემართა, ამას ცხადად ამტკიცებს ეს გამოფენაო. საქიროა რწმუნება, ნდობა და სიყვარულობა, თუ ეს არ არის, მაშინ საზოგადოების ცხოვრება არასოდეს კეთილად არ წარიმართებაო“.

პარაკლისის გათავების შემდეგ, თავ. ი. ზ. ანდრონიკაშვილმა წარმოასტკევა შემდეგი სიტყვა:

„წარსულს 1900 წელს 50 წელი შესრულდა, რაც დაარსებულია კავკასიის საიმპერატორო სასოფლო-სამეურნეო საზოგადოება. ამა საზოგადოებამ განიზრახა ეს დღე ედღესასწაულა კავკასიის სასოფლო-სამეურნეო და სამრეწველო გამოფენის გამართვით და ეს გამოფენა გაემართა იმ ღირს-შესამჩნევ წელიწადს, როდესაც ასი წელიწადი სრულდება საქართველოს რუსეთთან შეერთების შემდეგ.“

„ამ აზრს თანაგრძნობით მიეგება საზოგადოების პრეზიდენტი, თავადი მთავარ-მართველი და ამიტომ შეუდგნენ გამოფენის წესებისა და პროგრამის შედგენას, რისთვისაც მოწვეულ იქმნენ ჟურნალ-გაზეთისა და თითქმის მთავრობის და საზოგადოებრივ დაწესებულებათა ყველა წარმომადგენელი.“

„რადგან წინადაც საიმპერატორო საბაღოსნო საზოგადოების კავკასიის განყოფილებას ნება-დართული ჰქონდა 1901 წელს კავკასიის გამოფენა გაემართა, ამიტომ მიწათ-მოქმედების მინისტრმა და მთავარ-მართველმა საქიროდ სცნეს, რომ ისიც ამ სასოფლო-სამეურნეო საზოგადოებას შემოერთებოდა. შუამდგომლობა საზოგადოებისა, რომ გამოფენა მისს იმპერატორებითს უმაღლესობას დიდს მთავარს მიხეილ ნიკოლოზის ძეს მივლო თავის უაღვრესტოვს მფარველობასა ქვეშე, შეწყნარებულ იქმნა მისის უმაღლესობის მიერ. წესები და პროგრამა გამოფენისა 10 მარტს ამა წლისას დამტკიცებულ იქმნა და ამ დროდგანვე

შესაძლებელ შეიქმნა ხელი მიგვეყო საქმის განხორციელებისათვის. იმის წყალობით, რომ დიდის თანაგრძნობით მოეკიდნენ ყველანი გამოფენის გამართვის სურვილს, შესაძლებელი შეიქმნა ამ რთულ და დიდს საქმის მცირე ხანში განხორციელება. იმას გარდა, რომ ზნეობრივად გავგიწიეს დახმარება, ქონებრივადაც ბევრი შეგვეწია: მიწად-მოქმედების სამინისტრომ 10,000 მან., ფინანსთა სამინისტრომ 5,500 მან., მთავარ-მართველმა კავკასიისამ—6,000 მან., ქალაქ ტფილისმა 10,000 მ., ბაქომ—5,000 მან., ნავთის-მწარმოებელთა კრებამ—5,000 მ., საუფლისწულო უწყებამ 3,000 მან., მარგანცის მწარმოებელთა კრებამ—1,000 მან., საკომერციო ბანკმა 1,000 მან. და სხვ.“

„ეჭვი არ არის, მოწყალენო ხელმწიფენო, რომ მცირე ხანს, გამოფენის გასამართავად დარჩენილს, და ქონებრივ ნაკლებულობას არ შეიძლებოდა არ ემოქმედნა მისს სისრულე-ნაკლებულობაზედ, ხოლო რასაცა ჰხედავთ, იგიც გაგოცებთ, იმდენად წარმარტება ჰქონია სასოფლო-სამეურნეო და სამრეწველო ვითარებას ჩვენის ქვეყნისას, რომელიც შედარებით ეხლახან იქმნა დამშვიდებულ, ქვეყნისას, რომლის მკვიდრნიც რამდენისამე საუკუნის განმავლობაში უკანასკნელ ორ-სამ ათიოდე წლამდე იძულებულნი იყვნენ ხელში იარაღით ევლოთ გუთანს უკან და თავისის სიცოცხლის უზრუნველ-საყოფელად თვისნი სადგომნი აღემართათ მთის წვერონიკებზედ, ან ჩამალათ და ჩაეფლათ მიწაში.“

„მიუკერძოველი მიმომხილველი, რასაკვირველია, ჯეროვანად დაათვებს აწინდელს დღესასწაულს მშვიდობიან შრომისას. ჩვენ კი ჩვენის მხრივ აღვნიშნავთ: ეს დღესასწაული ნათლად გვიმოწმებს, რომ კეთილი ნაყოფი მოიტანა დედა-აზრმა სამართლიანობისამა და კანონიერობისამა, ამა ასის წლის წინადაც ნამოდგომებმა ტახტის სიმაღლიდგან ამა ქვეყნის განსაგებად, ქვეყნისა, რომელიც ესოდენ მდიდარია თავისის ბუნებრივის და სამეურნეო ვითარებით.“

„ქვეყნის მოქალაქობრივს განვითარებას გვაჩვენებს არამც თუ გამოფენის ყოველი განყოფილება და ყოველი გამოფენილი ნივთი, არამედ ისიც, რომ გამოფენის გამართვა განხორციელებულ იქმნა ასე მცირე ხანში.“

«მაშ ვუსურვოთ, მოწყალენო ხელმწიფენო, წარმართება ამ გამოფენის აზრს, სახელოობრ, რომ მან გამოავიკვიოს მეურნეობაში რაოდენ ვართ განვითარებულნი და პრაქტიკულად რა ღონისძიებანია საჭირო აწინდელ მეურნეობისა და მრეწველობის განკარგებისა და კეთილდღეობისათვის».

სიტყვის დამთავრების შემდეგ მანვე წაიკითხა დებეშები, რომელთა, შინაარსი აქვე მოგვყავს:

«მისმა იმპერატორებითმა უმაღლესობამ, დიდმა მთავარმა მიხეილ ნიკოლოზის ძემ მომანდო გაუწყოთ გამოფენის გამმართველ მთავარ კომიტეტის გარდასაცემად, რომ, სამწუხაროდ, მისს იმპერატორებითს უმაღლესობას არ შეუძლიან ჰნახოს გამოფენა კურთხევის დღეს».

„გენერალ-ლეიტენანტი ბარანოვი“.

„მივესალმები კავკასიის გამოფენის გახსნას, რომელიც იმართება საიმდროოდ, როდესაც სრულდება ასი წელიწადი საქართველოს რუსეთთან შეერთების შემდეგ. იმედი მაქვს, რომ ეს გამოფენა მოგვცემს სრულს სურათს კავკასიაში მეურნეობისა და მრეწველობის აწინდელ მდგომარეობისას და აგრეთვე სწორე გზას გვაჩვენებს, რომ ჯეროვანათ ვისარგებლოთ კავკასიის ბუნებრივ სიმდიდრით. ვეცდებით, თუ გარემოებამ ხელი შეგვიწყო, გამოფენა ალაგობრივ დავათვალიეროთ.“

„მიწათ-მოქმედების მინისტრი ერმოლოვი“.

„ვეულოცავ კავკასიის საიმპერატორო-სასოფლო-სამეურნეო საზოგადოებას კავკასიის გამოფენის გახსნას, რომელმაც ღირსეულად უნდა დაავიკვიროს მისი ორმოცდა ათის წლის მოღვაწეობა ადგილობრივ სასოფლო-მეურნეობის სასარგებლოდ. მიწად-მოქმედებისა და სახელმწიფო ქონებათა სამინისტროს ეს საზოგადოება ყოველთვის თავისს თანამშრომლად მიაჩნდა კავკასიის შესახებ მისაღებ ღონისძიებათა საქმეში. ვუსურვებ საზოგადოებას წარმატებას. დარწმუნებული ვარ, რომ გამოფენა დიდად შეუწყობს ხელს კავკასიის მრეწველობის განვითარებას.“

მიწათ-მოქმედების სამინისტროს გამგე გოფმეისტერი სტევენო“.

ამ დებეშებში პირველი მიღებულია ბ. სულტან-კრიმ-გირეის სახელობაზედ, მეორე უვანათ.

თავ. პ. ა. გრუზინსკისა და მესამე—კავკასიის მთავარ-მართებელის, გენერალ-ადიუტანტის გ. ს. გოლიცინის სახელობაზედ.

დებეშათა წაკითხვის შემდეგ მთავარ-მართებელი კავკასიისა, თავ. გ. ს. გოლიცინი გამობრძანდა ეზოში და ხმა მალლა გამოაცხადა, რომ გამოფენა დაწყებულია. აქ საერო საგალობელი იმდერა სამმა მგალობელთა ხორომ—რუსულმა, ქართულმა და სომხურმა. ამავე დროს უკრავდა სამი ხორო—მუსიკისა, ორი სამხედრო და ერთი ოპერისა. ქართულისა და სომხურის ხოროში მონაწილენი საერო ტანისამოსში იყვნენ მოწყობილნი. შემდეგ მისმა მალალ ყოვლად უსამღვდელოესობამ, საქართველოს ექსარხოსმა ფლაბიანემ აიაზმა ასხურა მთელს გამოფენას. დასასრულ გამოფენის სასტუმრო ოთახში, სადაც დიასახლისობდა გამოფენის კომისარის მეუღლე კნენა ლილია ნიკოლოზის ასული ანდრონიკაშვილისა, მცირე საუზმეზედ მიწვეულ იქმნენ მთავარ-მართებელი თავ. გ. ს. გოლიცინი და სხვანი წარჩინებულნი. საუზმის შემდეგ მთავარ-მართებელი წაბრძანდა გამოფენიდან და ხალხმა დაიწყო გამოფენის დათვალიერება.

გამოფენაზედ მიწვეული ყოფილან 1400 საპატიო პირი, მაგრამ ძლიერ ცოტანი გამოცხადდენ.

ასე გაიხსნა კავკასიის სასოფლო-სამრეწველო საიუბილეო გამოფენა. არ ვიცით საფრანგეთის გამოფენის დათვალიერების ბრალია, თუ იმისი, რომ სხვაგანაც ბევრი გვინახავს ამნაირი გამოფენა, ჩვენზედ ვერ მოახდინა კარგი შთაბეჭდილება ამ გამოფენამ. გამოფენის მოწყობილობა და შენობები სრულებით არ მოგვაგონებენ საქართველოს მხარეს, მხოლოდ ნაწარმოები ნივთები გიმტკიცებენ თქვენ, რომ ისინი აქ გაკეთებულნი არიან. ერთად ერთი სარაჯიშვილის პავლიონი წარმოგიდგენსთ კავკასიის ადგილს და მის დამთვალიერებელს უნებლიედ გაგიტაცებს კავკავის მთებისკენ. ჩვენის შეხედულებით, ზოგიერთის მხრით ათას რვაას ოთხმოცდა ცხრა წელშიდ გამართული გამოფენა ამავე ადგილზედ თითქმის უმჯობესი იყო. ოთხმოცდა ცხრა წელში ამგვარი გამოფენის კურთხევა და გახსნა მეტის-მეტად შესანიშნავი იყო. მაგრამ მაშინდელ გამოფენას ერთი რამ აკლდა, რომელიც დღეს ამ გამოფენაზეა. აქ არის თეატრი

გამართული, მოწვეული არიან აქტიორები, მომღერალი და მოთამაშე ქალები, რომლებიც ეჭვი არ არის დიდ საზოგადოებას მიიზიდავენ...

შემდეგ ნომრებში ჩვენ ვეცდებით მოკლედ გავაცნოთ მკითხველთ ყველა პავილიონები. დღეს დღეობით ქუთაისის გუბერნიიდგან არაფერი შესანიშნავი, არაფერი მნიშვნელოვანი არა არის რა. არის გამოფენაზედ აქედგან გაგზავნილი ერთი დიდი კვახი, რომელიც მართლა ყველას აკვირვებს. ყოფილა გაგზავნილი მშენებელი ყურძნები და ხილი, მაგრამ რადგან გამოფენის გახსნამ დაიგვიანა, დამპალან და აღარ არიან.

დკე. დ. ღამბაშაძე.

(გაკრძელება იქნება)



თბილისის უმთავრესი ცენტრი ქართველთა განათლებისა.

I.

ივერიათა მონასტერი.

ის მთის მწვერვალი, რომელიც დღეს მედიდურად გადმოსჩერება ივერიის მონასტერს, ძველად იწოდებოდა „აფთ“. ამ მწვერვალზე არაბებს ჰქონდათ ამართული კანდელი (მაიაკი). აი ამ ადგილზე დაბინავდნენ ქართველები პირველად 787 წ. კონსტანტინე დიდის და ირინეს მეფობის დროს*).

ისინი თავდაპირველად სცხოვრობდნენ ერთად. რომ მართლა ასეთს ძველს დროში ქართველი ბერები სცხოვრობდნენ ამ ადგილზე და ჰქონდათ კიდევ საკუთარი საფანე,—ეს ცხადათ მტკიცდება შემდეგის მწერლობითი საბუთებით, რომლებიც მოიპოვებიან ივერიის მონასტერში:

*) იხ. „Первое Путешествіе въ Афонскіе монастыри и скиты въ 1845 г.“, ч. I, отд. 2. პორფირე უსპენსკისა.

1) თეოფილე ხატუმებრძოლის მეფობის პირველ წლებში (829), ნიკიაში ერთმა კეთილმსახურმა ქვრივმა, დედამ ერთად-ერთი შვილისამ, წყალს გაატანა ღვთისმშობლის ხატი, რათა ხატუმებრძოლთ არ შეურაცხეყოთ ეს სიწმინდე და თვისი შვილიც მოაშორა სამშობლოს—ის გაგზავნა მაკედონიაში. რამოდენიმე ხნის შემდეგ ეს უკანასკნელი დაბრუნდა ათონში და აქ, ივერიის მონასტერში, ბერად შედგა. მისგან ივერიელებმა შეიტყვეს დედა და შვილის თავ-გადასავალი, ე. ი. ის, თუ ბერის დედა როგორ მოექცა ღვთის მშობლის ხატს²⁾. როგორც მოგვითხრობენ ამ ხატის ზღვიდგან ამოყვანა წილად ერგო ქართველ ბერს გაბრიელს.

2) ივერიის მონასტრის ილუმენს იოანეს ხელმოწერილი აქვს იმ საქმის ქალაღზე, რომელიც შეეხება მონასტრის ახლო-მახლო მიწების გამიჯნვას³⁾.

965 წ. ათონში, წმ. ათანასეს ლავრის მახლობლად, დაესახლა შესანიშნავი ქართველი ბერი—იოანე ივერიელი. მასთან ჩქარა მოვიდნენ მისი შვილი ექვთიმე და გამოჩენილი ქართველთ მხედართ-მთავარი თორნიკე, რომლებიც მოსვლისათა-ნავე ბერად შედგნენ. სამივე ესენი მყუდროდ სცხოვრობდნენ ათონში 879 წლამდის. ამ წესლს კი, როგორც მოგვითხრობს ისტორია, საბერძნეთის მეფის ვასილის თხოვნით, თორნიკემ დროებით დასტოვა მონასტერი და გაილაშქრა ვარდა სკიპრას წინააღმდეგ, რომელიც მეფეს ტახტიდგან ჩამოგდებას უპირებდა. მან სახელოვანად აღასრულა მეფის მონდობილება: საშინლად დაამარცხა მტერი და დიდი სამხედრო ავლა-დიდებით დაბრუნდა ათონზე და კვლავ მყუდრო ბერულ ცხოვრებას დაუბრუნდა⁴⁾. გაიარა რამოდენიმე ხანმა. ქართველობას ათონზე თანდათან ემატებოდა წევრები. ამ მიზეზით წინანდელ ლავრაში მათ ვიწროობა იგვრძნეს. მათმა უფროსმა იოანე ივერიელმა გარდასწყვიტა აქმე-

2) იხ. „Краткая Груз. Церк. Исторія“—პ. იოსელიანისა, გვ. 61.

3) იხ. „Путешествіе...“ პ. უსპენსკისა.

4) ამ ფაქტს ამტკიცებენ ერთხმად ბერძნების და სომხების ისტორიკოსები (იხ. „Крат. Истор...“ პ. იოსელიანისა). ეს კითხვა საფუძვლიანად გარჩეული აქვს აკადემიკოს ბროსესს.

ნებინა ქართველებისათვის დიდი და ვრცელი მონასტერი. ქართველების მოთხოვნილების და იოანნეს სურვილის განხორციელებას ხელს უწყობდა მაშინდელი გარემოება: რადგანაც მეფე ბასილი ძლიერ დავალიანებულად გრძნობდა თავს ათონის ქართველების წინაშე იმ შემწეობისათვის, რომელიც მას აღმოუჩინა მათმა თანამოძმემ—თორნიკემ, ის მზათ იყო აღესრულებინა მათი ყოველივე გულითადად სურვილი... ეს ერთი მეორეს მხრით ის ავლა-დიდება, რომელიც თორნიკეს ერგო წილად ვარდაზე გამარჯვების შემდეგ, შესაძინევად უადვილებდა ქართველებს დიდი და ვრცელი მონასტრის აშენებას. ამ გარემოებებით ისარგებლა იოანნემ და მტკიცედ შეუდგა საზოგადო სურვილის განხორციელებას. თავდაპირველად ის გადასახლდა თვისის ნათესავებით ძველ ქართველთა მონასტერში—„ათონში“. 980 წელს კი იოანნემ გამოსთხოვა იმპერატორ ბასილს ორი ქართველ მონასტრების (ივერიის—კონსტანტინოპოლში და წმ. ფოკასი—ტრაპიზონდში) სამაგიეროდ შემდეგნი ბერძნების მონასტრები: ლეონტის—სოლუნში, იოანესი—ერისსში და კლიმენტის—ათონში. ჩამოთვლილი მონასტრების მამულების შემოსავალი იოანნეს უნდოდა «აფოს» ქართველთა მონასტრის შესაწირად და ახალი ვრცელი ლავრის აღსაშენებლად⁵⁾. განვლო დრომ. იოანნემ შესცვალა წინანდელი თავისი აზრი. მან თავი მიანება „აფოს“ მწვერვალზე აღშენებულ ქართველთა ძველს მონასტერს და ჩამოვიდა დაბლა ზღვის პირად, და აქ, იმ ადგილზე, რომელიც ქართველებს იმპერატორმა ბასილმა უბოძა, სახელდობ, წმ. კლიმენტოს მონასტერთან, დაიწყო ქართველთა ლავრის შენება. ამისათვის ამ ლავრას დიდხანს „კლიმენტოს“ სახელს ეძახდნენ⁶⁾. როგორც სწანს ისტორიულ საბუთებიდან ამ ლავრის აღშენებაში იოანნე და თორნიკესთან ერთად მხურვალე მონაწილეობას იღებდა ვილაც ქართველი ვარასვამე, რომელსაც ზოგიერთები თორნიკეს ძმად სთვლიან⁷⁾.

⁵⁾ იხ. „Свѣдѣнія о памятникахъ грузинской старины въ Св. землѣ и Палестинѣ“—ალ. ცაგარლისა (Прав. Иал. Сбор., вып. 10, стр. 37—42).

⁶⁾ იხ. „Замѣтки поклонника Св. Горы. Кіевъ, 1864 г.“ გვ. 65—ანტონისისა,

⁷⁾ Cordanus, † II, p. 488 იხ. «Состояние монашества» въ Византіи съ пол. IX до XIII в.“ ივ. სკოლდოვისა, გვ. 230.

985 წელს ქართველთა ლავრა თითქმის მზათ იყო. იმავე წელს, ქრისტეშობისთვის, ათანასე ათონელმა—იოანნე ივერიელის მეგობარმა—უძღვნა მას „ხრისოული“ იმპერატორ ბასილისა, რომლითაც ლავრას უფლება ეძლეოდა ჰყოლოდა ზღვაში მავალი გემები⁸⁾.

იოანნეს სიკვდილის შემდეგ (998), ლავრის წინამძღვრად იყო ექვთიმე, შვილი იოანნესი. ექვთიმემ დიდი და დაუფიწყარი ღვაწლი დასდო საქართველოს ეკლესიას საეკლესიო წიგნების თარგმანით ბერძნულ ენიდან ქართულს ენაზე. გარდა ამისა ის თავგანწირულად იღწოდა ათონზე სხვა ასპარეზზედაც: სხვა-და-სხვა ადგილებზე აშენებდა ეკლესიებს, საავადმყოფოებს, მოხუცებულთათვის თავშესაფარს... გარდაიცვალა ექვთიმე 1028 წ. ქ. კონსტანტინოპოლში, სადაც წავიდა მონასტრის საქმეებისა გამო საშვამდგომლოდ.

ექვთიმეს შემდეგ წინამძღვრობდა მისი ძმისწული გიორგი პირველი. გიორგის წინამძღვრობის დროს იმპერატორ მიხეილ პათლაგონელმა 1034 წ. თვისის „ხრისოულით“ დაუბრუნა ქართველებს „ათოც“, რომელიც წინედ მათ ეკუთვნოდა და რომელიც, გიორგის დაუდევრობით, სახელმწიფო ხაზინაში იყო შეტანილი. გიორგიმ გააგრძელა ექვთიმესაგან დაწყებული შრომა საეკლესიო წიგნებისა და აღაშენა სასწავლებელი ორმოც ქართველ ყრმათათვის.

გიორგი I შემდეგ წინამძღვრად იყო გიორგი III ოლთისელი. ისიც, როგორც მისი წინამოადგილენი, სთარგმნიდა წიგნებს...

1283 წ. იმპერატორ ანდრონიკემ თვისის „ხრისოულით“ დაუმტკიცა ივერიის ლავრას ყველა მამულები, რომლებიც მას ეკუთვნოდა სხვა-და-სხვა ადგილებში⁹⁾.

1285 წ. ათონის ქართველებმა დიდი ტანჯვა-წვალება და შევიწროება გამოიარეს ლათინების ბარბაროსობის მიზეზით და იძულებულ გახდნენ გაქცეულიყვნენ. მათ მხოლოდ თან წაიღეს მონასტრის სიწმინდე—ღვთისმშობლის ხატი. ქართველებ-

⁸⁾ «Замѣтки повлон. Св. Горы», гв. 62—ანტონისისა.

⁹⁾ „Первое путеш. въ Аѳ. мон...“, ч. I, отд. II, стр. 159“ 3. უსპენსკისა.

ბი კვლავ დაუბრუნდნენ თვისი მიტოვებულ მონასტერს მხოლოდ 1295 წ.

1310 წ. იმპერატორ მიხაილ კომნინოს პალეოლოღმა ხელახლად დაუმტკიცა ქართველთა მონასტერს მამულები და უწოდა მას — „ღვთის-მშობლის მონასტერი“. ასევე მოიქცა გიორგი კონდესტეფან-კალემეი¹⁰). ჯვაროსანთა ომების დროს ქართველთა მონასტერმა ბევრი რამ ცუდი გამოიარა მკაცრი და ბარბაროსი ლათინებისაგან, რომლებიც დაუზოგველად აოხრებდნენ მას. მაგალითად, 1260 წ. ლათინებმა მთლად გაცარცვეს ივერიის მონასტერი და მრავალი ბერებიც დახოცეს. როგორც გადმოგვცემენ, იმპერატორ მიხაილ პალეოლოღმა რამოდენიმე წლის შემდეგ მთლად ააოხრა ეს მონასტერი იმისთვის, რომ მართლმორწმუნე და მტკიცე ბერებმა მონასტრისამ არ წაბაძეს წმ. ათანასეს ლავრას და არ მიიღეს უნია რომთან, რომელსაც პალეოლოღი და პატრიარხი ვევი ძალით აწიებდათ მათ *).

მაგრამ მონასტერი დიდხანს არ იყო დაცარიელებული: ქართველი ბერები ისევ თანდათან იყრიდნენ აქ თავს. მხოლოდ მონასტრის ხელახლად აღყვავებას საუბედუროდ ხელი შეუშალა საბოლოოდ თათრების თავდასხმამ და აოხრებამ. ვიზანტიაც ამ დროს დაუძღვრებული იყო და მონასტერმა დიდხანს ვერ მოახერხა წამოდგომა.

ასეთს ცუდსა და სამწუხარო მდგომარეობაში იყო მონასტერი 1500 წლამდის. მაშინ კი ზოგიერთი ქართველი ბერები გაემგზავრნენ საქართველოში და ძლიერ მეფე გიორგი ბრწყინვალეს უამბეს ქართველთა ლავრის თავდადასავალი და ცხადად დაუსურათეს ახლანდელი უნუგეშო მდგომარეობა. მეფემ და მისმა შვილმა ქაიხოსრომ თანაგრძნობით მოისმინეს ბერების თხოვნა და აღმოუჩინეს მათ უხვი დახმარება. ბერები დაბრუნდნენ უკან და მეფისაგან ნაბოძარი ფულებით ჩქარა შეკეთებულ იქმნა მონასტერი. ამნაირად კვლავ აყვავდა ივერიის მონასტერი ისე, როგორც ექვთიმეს დროს! კვლავ გაჩაღდა აქ შრომა, მუშაობა! კვლავ შეუდგნენ ბერები მო-

ღვაწეობას და სათნოებრივ ცხოვრებას!.. მაგრამ დიდხანს არ უსარგებლია მონასტერს ასეთი მყუდრო და შინაარსიანი ცხოვრებით. მე-XVI საუკ. მიწურულში, სათათრეთის მთავრობის გაუმადლობის და მყველფელობის მეოხებით, მონასტერი ხელახლად ჩავარდა ვალში და დაცარიელდებოდა მთლად, რომ ბერებს არ მიემართნათ თხოვნით ისევ საქართველოს მეფეებისადმი.

1592 წ. ივერიის მონასტრის ბერებმა კახეთის მეფეს ალექსანდრეს მიართვეს კლიტე და მონასტრის ხატი და სთხოვეს დახმარება. მეფემ მაშინათვე მისცა ბერებს 12000 მ. ათის წლის განმავლობაში ამ ფულით ქართველებმა გადაიხადეს თათრების ვალი²). საბოლოოდ ივერიის მონასტრის შეკეთება დამთავრდა 1674 წ. ასეთან მუხრან ბატონის საფასით³).

ივერიის მონასტერში შემდეგნი ღირსშესანიშნავნი ეკკლესიებია:

1) ყველაზე ძველი და დიდი ღვთისმშობლის მიძინების ეკკლესია. აი ამ ეკკლესიას როგორ აგვიწერს წარსულ საუკუნის რუსის მოგზაური ბარსკი: «Храмъ этотъ zelo изряденъ лепотою... и прочими церковными добротами наче лаврскаго и иныхъ многихъ унещренъ»⁴).

2) ღვთისმშობლის ეკკლესია, რომელიც ქართველთა მეფეების შეწირულებითაა აღშენებული.

3) იოანე ნათლისმცემლის ეკკლესია...

სულ ერთად ივერიის მონასტერში თექვსმეტი ეკკლესია ითვლება⁵).

ივერიის მონასტერს ძველს დროში ჰქონდა შესანიშნავი მდიდარი ბიბლიოთეკა. ამ ბიბლიოთეკიდან დღემდის დარჩა მრავალი ძვირფასი გუჯრები, სიგელები და წიგნები მიუხედავად იმისა, რომ ბერძნები მე-XVIII საუკ. დაწყებული (როდესაც

¹) იხ. „Журналь Мин. Народ. Просвѣщ. 1843 г. т. 40» — სტატია აკადემიკოს ბროსესი: „О религиозно-нравственномъ состоянн Грузіи до XVII в.».

²) იხ. „Труды V археол. съѣзда въ Тифлисѣ 1881 г.».

³) „Странствованіе В. Г. Барскаго по Св. мѣстамъ съ 1723—1747 г. издан. 2» — გვ. 580.

⁵) „Кратвая Истор. Груз. Церк.» — გვ. 67 ზ. იხ. სელიანისა.

¹⁰ ibidem.

* „Письма съ Востока“ (იხ. „Чтеніе любителей духовного просвѣщенія. кн. 17, ч. I). а. б. მურავი-ოვისა.

მათ მონასტრისგან განაძევეს ქართველები) უდიერად ეპყრობოდნენ ქართველთა სიძველეს და სრულებით ყურადღებას არ აქცევდნენ დარჩენილ ძვირფას წიგნებს და გუჯრებს. აი სხვათა შორის ამ ბიბლიოთეკის შესახებ რას სწერს არხიმანდრიტი ანტონინი თვისს „Записки“-ებში: „Обозрѣніе Иверской библіотеки приготоовило меня къ разбору древнихъ актовъ и грамотъ монастыря, весьма многочисленныхъ и весьма занимательныхъ по своему разнообразію и по своему, болѣею частію, глубокой древности“. ივერიის მონასტერს აქვს მრავალი გუჯრები და საბუთები რომაელთა, რუსთა, სერბიელთა და ბერძენთა მეფეებისაგან. მათ შორის საყურადღებოა: ორი საბუთის ქაღალდი („ხრისოულად“ წოდებული) იოანნე კონტაკუზენისა (1241 წ.); სერბიელთა მეფისა (1306 წ.); იოანნე პალეოლოღისა (1357); მიხაილი დუკისა (1073); ანგელოზ კომნინი პალეოლოღისა (1200 წ.) და ანდრონიკისა (1184). რასაკვირველია, მონასტერს მრავალი გუჯრები აქვს ქართველთა მეფეთაგანაც⁶⁾. ივერიის მონასტრის ხელნაწერები მოკლედ აღწერილი აქვს იმერეთის უკანასკნელ მეფის სოლომონ მეორის მოძღვარს მღვდელმონაზონ ილარიონს 1836 წ. 7).

ივერიის მონასტერს დიდი ღვაწლი მიუძღვის საზოგადოდ ქართველებზე: აქ საბოლოოდ გადითარგმნა ყველა საეკლესიო წიგნები და წმ. მამათა ნაწარმოებნი. ამ მონასტერში აღიზარდნენ შესანიშნავნი, ღრმად განათლებულნი და ნიჭიერნი ქართველნი მწერალნი: ღვთის-მეტყველნი, ისტორიკოსნი, ფილოსოფოსნი, პიტიკოსნი. აქ იყო აღშენებული ქართველებისთვის უმაღლესი სკოლა, სადაც ნიჭიერნი ახალგაზდანი იღებდნენ ღრმა, საფუძვლიან და ყოველმხრივ განათლებას⁸⁾...

აბ. ვაჩხაიძე.

(შემდეგი იქნება)

⁶⁾ „Крат. Ист.“, გვ. 68—3. იოსელიანისა; „Странствованіе...“, გვ. 593—ბარსისა.

⁷⁾ „Труды V арх. съѣз. въ Тиф. 1881 г.“.

⁸⁾ ვისაც სურს ვრცლად გაეცნოს ამ შესანიშნავ მონასტრის ისტორიას, ჩვენ შეგვიძლია მიუთითოთ შემდეგ წყაროებზე: გარდა ჩვენ მიერ ზემოთ ნაჩვენებისა: საქართველოს ისტორია—ბაქრაძისა, გვ. 249—261: „Тифлисъ въ истор. отношеніи“ 3. იოსელიანისა, გვ. 345; „ქრონიკები...“ თ. ყორღანიასი 270—273; მისივე „ქრონიკები“ II წ. 359, 420; „დავით აღმაშენებელი და მისი დრო“—ურბნეღისა, გვ. 84; Журн. Мин. Народ. Просв.—т. 40 გვ. 140.

მართლმადიდებლობით—ქრისტეანებრივის საეკლესიო საზოგადოებითის ღვთის მსახურების განმარტება.

მიზანი საეკლესიო საზოგადოებრივის ღვთისმსახურებისა მდგომარეობს იმაში, რომ მლოცავ ქრისტეანის სული სხვა-და-სხვა სადიდებელ, სამადლობელ, სავედრებელ ლოცვებისა, საგალობლებისა და საკითხავების საშუალებით აღფრთოვანდეს ღვთისადმი, წარემართოს კეთილისადმი. ქრისტეანეს ღვთისმსახურების დროს უნდა დაებადოს აზრები, გრძნობები და სურვილები, შესაფერისი ამა თუ იმ ლოცვების შინაარსისა. როცა გალობენ ანუ კითხულობენ ღვთის სადიდებელ ლოცვებს, მაშინ ქრისტეანემ უნდა წარმოიდგინოს ღვთის უსაზღვრო სიღიადე, სისრულე-სიმშვენიერე, უნდა მოიგონოს მისი სიბრძნე, სახიერება და ყოვლისშემძღებლობა, ცხადყოფით აღბეჭდილნი ყოველს მის ქმნილებაზე, ყოველს მის მოქმედებაში,—და განიმსჭვალოს მისადმი უღრმესის კრძალვითა, პატივისცემითა და აქოს-ადიღოს სახელი მისი. როცა კითხულობენ სამადლობელ ლოცვებს, მაშინ ქრისტეანეს ჰმართებს მოიხსენოს ყოველივე სიკეთე, რაიცა ჰყო უფალმან კაცობრიობისათვის, თუ როგორ აამაღლა მან ადამიანის ბუნება ყოველთა ქმნილებათა წინაშე, მისცა მას თავისი ხატება-მგზავსება და სხვანი მალაღნი ნიჭნი, მისცა მას განსაკუთრებითი დანიშნულება, მიანიჭა მას ძალა-შემძღება მასთან შეერთებისა და მით საუკუნო, უცვლელ ბედნიერების მოპოებისა,—და იგრძნოს თვის სულის სიღრმეში ცხოველი სიყვარული და დაუცხრომლად მას მადლობდეს. როცა კითხულობენ სავედრებელ ლოცვებს, მაშინ მას ჯერაჩანს წარმოიდგინოს თვისი უღირსობა, მრავალ-ცოდვიანობა, უძლურება და შეევედროს უფალს, რომ მან არა დაუტეოს იგი მის ბოროტებისა გამო, არამედ შეიბრალოს იგი, როგორც სუსტი და ცთომილი შვილი, და მიანიჭოს მას ძალა ზნეობრივად ამაღლებისა, ბიწიერებათა დათრგუნვისა, სათნოებათა მოპოებისა და ამით ნეტარებისადმი მიღწევისა. ამნაირის ლოცვით ქრისტეანეს უნდა აღედრას მტკიცე სურვილი ბოროტებისაგან განშორებისა და კეთილისადმი მიღრეკისა.

რომ საეკლესიო ღვთის-მსახურებამ ადამიანის სულზე ასეთი ღრმა ზედგავლენა იქონიოს, ამისათვის, რასაკვირველია, მოითხოვება, რომ მას ნათლად ესმოდეს ყოველივე ისა, რაც საეკლესიო მსახურთა მიერ წარმოითქმება, იკითხება და იგალობება; წინააღმდეგ შემთხვევაში, ე. ი. თუ მსმენელისთვის გაუგებარი რჩება ის, რაც იკითხება და იგალობება, მაშინ მისთვის ღვთის-მსახურება უმნიშვნელო და უნაყოფოა, მასში წმიდა გრძნობები და აზრები არ წარმოიბოჭვის, მისი სული არ იწყებს აღმაფრენას უფლისადმი, და ღმერთიც მას არ უახლოვდება და არ აკმაყოფილებს მის სულიერ და ხორციელ მოთხოვნილებებს. სამწუხაროდ, ახლანდელ მლოცველების უმრავლესობისათვის ღვთის-მსახურება მომეტებულად გაუგებარია. მას არ ესმის, თუ რა აზრია ამა თუ იმ მლოცვებასა, საკითხავებსა და საგალობლებში, მან აგრეთვე არ იცის, თუ რას მოასწავებენ საეკლესიო მოქმედებანი. ეს ხდება, ერთის მხრით, იმის გამო, რომ მლოცვები და საგალობლები დაწერილია ძველის ენით, იმ ენით, რომელზედაც ჩვენი წინაპრები ამ თხუთმეტიოდე საუკუნის წინად ლაპარაკობდნენ და რომელიც თვის მრავალის სიტყვებითა და ფორმებით გაუგებარია; და მეორედ იმიტომ, რომ ბევრ საგალობლებსა და მლოცვებში აზრი ისე მოკლედ არის გამოხატული, რომ მათგან ახლანდელ ქრისტიანს შესაფერი გრძნობები არ აღეძვრის. პირველ საუკუნოების ქრისტიანები ისე გამტკიცებულნი იყვნენ ღვთაებრივ ცხოვრებაში, ისინი ისე იყვნენ აღნთებულნი უმაღლესის გრძნობებით, რომ ერთი სიტყვაც კი კმაროდა, რომ მათს გულში ნათელმოსილი სულიერი განწყობილება სწრაფად წარმოშობილიყო. ახლანდელი ქრისტიანები კი ისე არიან ცოდვებით დამძიმებულნი. ისე ღრმად არიან ჩაფლულნი ბიწიერებაში, რომ ორი-სამი სიტყვით მათი გონება არ აღიმართებ ღვთისადმი, და მათი გული არ მიიქცევის კეთილისადმი.

რადგ ჩვენ უფლება არა გვაქვს საეკლესიო საკითხავებ და საგალობლები შევსცვალოთ, ე. ი. მათი ენა ავიღოთ-გასავებ, თანამედროვე ლიტერა-

ტურულ ენაზე გადმოვაკეთოთ, და ზოგიერთნი წარმოთქმანი გავევრცელოთ სიტყვებით, რომ უფრო ცხადს და გარკვეულ შინაარსს შეიცავდნენ, და ასე საეკლესიო ხმარებაში შემოვიღოთ,—ამის გამო საჭიროა მღვდლებმა თვის საუბრებში განუმარტონ ხალხს ღვთის-მსახურება, რათა უკანასკნელი იქნეს მისთვის მისახვედრი და ამან ხელი შეუწყოს მის სულის ზეაღსვლას, განათლიერებას.

ჩვენ არა ერთხელ გავგიგონია ეგრედ წოდებულ უბრალო ხალხისაგან ჩივილი, რომ მათ ბევრი რამ არ ესმისთ ღვთის-მსახურებაში და კარგი იქნებოდა, რომ მღვდლები აუხსნიდნენ მათ, თუ რას შეიცავენ თვის შორის საგალობლები და საკითხავები, და რას ნიშნავენ საეკლესიო მოქმედებანი. ამიტომ ჩვენ განვიზრახეთ განვმარტოთ ღვთის-მსახურება, სახელდობრ, იმ საეკლესიო სამსახურთა, რომელთაც ხალხი ხშირად ისმენს, ე. ი. მწუხრისა, ცისკრისა და წირვის. ამეგზე დაწვრილებით ვიტყვით, დანარჩენებს კი ვაკვრით შევეხებით.

საჭიროდ ვრაცხთ შევნიშნათ, რომ ჩვენ ეს პატარა შრომა გვინდა მივაწოდოთ უსწავლელ ხალხს და არა განათლებულ საზოგადოებას, ამიტომ მას მეცნიერული ხასიათი არ ექნება. შეძლებისადაგვარად, ვეცდებით სადად, მდაბიოდ და ნათლად ავხსნათ საეკლესიო წარმოთქმანი, საგალობელნი, საკითხავნი, რომ ხალხს გაუადვილოთ გაგება ღვთის-მსახურებისა. იქნება რომელიმე ქართველმა, წერაკითხვის მცოდნემ და „მწყემსის“ მკითხველმა წაიკითხოს ეწ პჭკრები და რაიმე სარგებლობა გამოიტანოს.

კატახაძე.

(შემდეგი იქნება)



მეექვსე საბლადოხინო ოლქი ბონჩალოს მასწავლა.

ხშირად ქვეშარიტების მამხილებელი ისჯება, მაგრამ უსაფუძვლო სასჯელი, რომელსაც დასაწყისში თავმოყვარეობა უძევს, არას ატყენს კაცს არც სულიერად და არც ხორციელად. ჩვენ წრფელის გულით, ღვთისადმი ლოცვა-ღალადებით შევნატრით, რომ ამ XX საუკუნეში მაინც ყოველნი ჩვენი მოძმენი იყვნენ უსრულესნი ყოველ საქმეში და არა „სიტყვით ქნარი და საქმით მკვდარი“, თორემ ჭამა და ძილი ხომ მამა-პაპიდან ჩვეულებად გვაქვს...

ღვთის მოსაწონად და კაცის სასიხარულოდ ქვეშარიტებას ყველგან თავის ალაგი აქვს და უნდა ჰქონდეს კიდევ. ჩვენ ამას ვღალადებთ და დეე მომავალის ჯილდოებისაგან უკან დავრჩეთ, ოღონდ ჩვენმა მოკლე აღწერამ გამოიწვიოს სასურველი ყურადღება მისი, ვისაც არსებული კანონების ძალით ხელში უჭირავს ჩვენი კეთილ დღეობის ბოხა. ბოხ ა—ცოდნა, მხნეობა, ძალი და კანონი ჩვენ უნდა მოგვხმარდეს, ვინემ დრო ითმენს, თორემ ჩვენ ვაყ-ბატონებსაც ჰქონდათ კალმით აუწერელი მამულები, რომ ელხლა მრავალი მათგანი თავ-ჩაღუნულები დაიარებიან სომეხთა მდიდრების კანტორებთან ადგილების საშოვნელად.

მე სხვა წოდებასთან რა ხმა მიმიწვდება, მე სახეში მაქვს ჩვენი ყოველ-მხრიდან დაჩაგრული წოდება; ზოგიერთი «დიპლომ» მექონე სამღვდლო პირნი ისე არიან გახვეულნი თავმოყვარეობის აბლაბუდაში, რომ მათ მოძმეთ, თანამოსამსახურე უსწავლელ მღვდლებს, არ შეუძლიათ პირდაპირ ელაპარაკონ მათ. და თუ მიმართეს მათ, ივინი ისე თვალის ქუტით დაუწყებენ ყურებას, ვითომ არც კი იცნობდნენ; ავიწყდებათ, რომ ორივე პირთა კრებას აცვია ანაფორები და ქრისტეს მიერ შეადგენენ ერთ მის მოსამსახურეთა წრეს.

გფიცავ ჩემს ობოლ სამშობლოს, რომ დღეს მრავალი უსწავლელი მღვდელი სჯობია სიმხნით, გამჭრიახობით ბევრს სემინარიაში კურს დამთავ-

რებულ მღვდლებს, მაგრამ ჩვეულებებისამებრ ახლაც თითებ შუა გავკურებთ მათ, თუმცა ჩვენს ცხოვრებაში მიგვიძღვის მეოცე საუკუნე. ავილოთ ცოტად განათლებული, გულით და სულით მოწოდებული მღვდელი, რომელსაც სიყმაწვილიდან ჰქონია სურვილი მღვდლობისა და სემინარიელი, რომელსაც ფრიად ეზარებოდა ტომრებით და ჩანახით სიარული პურის მოკრეფის დროს, ანუ რცხვენოდა და, რომ ჩარა გაუწყდა და ვერ იშოვა სხვა სამსახური—წავიდა მღვდლად. მე ორივე მხრიდან მყ-ვს აზნანაგები და გამიზომავს ერთის ქცევაც და მეორესიც. ეს ხომ ნამდვილი ფაქტია, რომ სემინარიელი, რომელიც კარგად ამთავრებს სწავლას და ჭკუით და გონებით გახსნილია, არ მიდის მღვდლად. *)

მე განათლებული ძმა, თანამოსამსახურე ქრისტეს მიერ, მისთვის მინდა, რომ ან სამშობლოსათვის, ან მისდამი რწმუნებულ ხალხისათვის, ან სამღვდლოებისათვის რაიმე კეთილი გააკეთოს, იმხნეოს, თორემ „სათვალეები“ და ცაში რამდენი ვარსკვლავია, მათგან რომელი დიდია და რომელი პატარა, ეს სამღვდლო ცხოვრებაში სრულიად ფუჭია.

წირვა-ლოცვა კარგია, მაგრამ მარტო ამისთვის არ ვართ. თუ ხელები დაბმული გვაქვს, ჭკვა გონებას რალათ ვაბამთ, კანონიც და ნებაც სრული, მაშ გვარგებს ახლა ძალი, რომ სახელიც აღმოგვიფხვრან ლამის „მსოფლიო მატყუარებმა“? აი მესამე წელიწადია, რაც რატვენის ეკკლესიის შესახებ, რომელიც სომხების ხელშია დღესაც, აღვ-ძარით კითხვა, მაგრამ—ეს ემდურის მეორეს, ამას არა სცალიან, ის ამბობს: «სხვათა ჭირი ღობეს ჩხირიო» და საქმე დღესაც მწვანე მაუდის ქვეშ ძევს... უცადოთ პასუხს! სომხებმა კი მესამე აკათრის ეკკლესიას მიჰყვეს ხელი. ჰო, რაც უნდა გაკეთდეს დღეს, ჩვენ ვსდებთ ხვალისათვის, იმიტომ კიდევ აგვიშენდა ოჯახი!..

თიბათვის 30 იყო, რომ ქ. თბილისიდან ქვეშის სამრევლოში წამოველი. დილიჯანში ექვსი

*) ჩვენ არ ვეთანხმებით ავტორს ამ მასწავლებაში. თუ ვისმეს მღვდლობის სამსახური სათაკილოდ მიაჩნია, ეს ამ კაცის განება გახსნაღობას კი არ ამტკიცებს, არამედ განუვითარებლობას. რედ.

*) იხ. „მწყემსი“ № 15. 1901 წ.

სირაჯი რუმბებისათვის დაწყობილიყვნენ. ისეთი პოლიტიკური ლაპარაკი შექნეს, რომ მე, როგორც ქართველს, დამეძინა. არახლოს ხილზე რომ მოველით, ხიდის ხმაურობამ გამომღვიძა და შემომმესმა ქართული ლაპარაკი: „ვა მუნდრეკს სულ ძინავს“. მე გავნაბე სული, თვალები დავხუჭე— ზეგრაობისათვის ბოდიშს ვიხდი, მამა დავითმა სეფისკვრები დაიტაცა საკურთხევიდან, რომ შიოდა. მეც ისეთი საინტერესო სიტყვები გავიგე, რომ ტოლსტოი ქართვეთი ყოფილიყო, ეხლანდელ ბაქი-ბუქს თავს დაანებებდა და ისიც ყურს დაუგდებდა. ამისთანა შემთხვევაში შეუძლია მოითმინოს იმ კაცმა, რომელსაც ჯერეთ კიდევ არ გაპქრობია ის სუბოლო პაწაწა-და ნაპერწყალი სამშობლოს სიყვარულისა, რომელიც ძალა-უნებურად ედებათ სიყმაწვილიდან გულში?

—ჩემი მზემ,—დაიწყო ბებერმა სირაჯმა— ცოცხლები არიან, მაგრამ სძინავთ, მე მარტოდ არა ვლაპარაკობ მაგათ კნაზებზე, ვე ტერტერებიც ახირებული გულიჩვილები არიან და! შენ ოღონდ გენაცვალე, შენი ქირიმე უთხარ, თორემ გინდა ეკლესია წაართვი, თავს მოგაშორებს. აი ჩვენი რატევის ეკლესიაც ვგრე არ იყო, მუნდრეკ ქართველები თითონვე ვამუშავეთ მის შეკეთებაზე და ვეუბნებოდით თქვენთვის ვშრომობთო. ტყაპუქს ძალიან ესმის ეკლესია ჰაიოსის წესზე კეთდება თუ ქართველობისა?..

—მახლას, ვე ეკლესია ღვთისაა—დაიწყო მეორემ—მაგრამ აიღე ეს კნაზები? მამულები რო დაათავეს და დაყიდეს სარქისჯან, ახლა ეკლესიებს აღარ უგდებენ ყურს. ბემურაზი ვიყო, თუ ერთი ოცი წლის შერე ახალი ემიაწინი აქ არ გაიმართოს. აქ რომ მოურავად ვიყავ, ჩემი კნაზი ოთხ წელიწადში ერთხელაც არ ამოვიდოდა და ახლა ძალიან მედარდება მამული ეყიდება თუ დედული? ტო! მუნდრეკ, შენც პურს სჭამ მეც, გაიღვიძე, გაცოცხლდი, თუ არა და ცოცხალი მაინც ჩაწექ მიწაში და! რაღა ეს, რაღა ის, ქართველების სიცოცხლე ნამდვილი მსოფლიო თეატრია. რას ვშვრებით ხოლმე პატარა ბოლნისში, საცა შნ კომლი ქართველია. იქ მწ. გიორგის ეკლესია დავიჩემეთ, დღეს ხვალ და ვაკურთხეთ, ღმერთმა აცოცხლოს ჩვენი ბაინდუროვი, მან სახლებიც ააშენა საეკლესიო მლოცველთათვის და გიორ-

გობას (10 Ноябрь) ასეთი ამბავი გვაქ, რომ ჰა! ვინ არი პატრონი, ერთი გვითხრას: ტო ეშმაკის ფეხებო, თქვენ კალენდარში ათ გიორგობას არც გიორგი იხსენება არც გეურქა და რადგან ეკლესიაც ძველადვე წმ. გიორგის სახელობაზე აშენებულია ქართველთაგან ხატობაც ამიტომ ხდება აქაო, რის გამო თვით სოფელსაც ჰქვიან ხატის სოფელიო და წაგვართვასო. საქმე, ახპერჯან, იმაშია, რომ დღესაც არიან ქართველები იქვე მცხოვრები, რომელნიც მოსწრებიან ამ ეკლესიას სომხურად გადაკეთებისა, მაგრამ უსაპნო ურმისათვის რომ ქრატქრუქ არ მოჰყვნენ ჩვენ ვიცით წამალი „აი ესენც აი პარონ!“. ერთი ვილაც ბებერი ღვდელია ქართველი, იმან თავის დაფანტულ პრიხოდს მოუაროს, თუ ჩვენ ეშმაკობას, თურმე მათშიც ისე ყოფილა რო უგოძაკლოთ (ბლალ-ჩინია) როგორც რუსები იტყვიან: „ни шагу“ გინდ იხეთქოს თავი, რას იზავს?—ეს რო დაათავა, ერთმა გააჩუმა სიტყვებით: «ტო მუნდრეკ, მუნკაც, იქნებ ვრაცვა» ის იყო და ის კოლომკამდინ ხმა არ ამოუღიათ, რომ დილიჯნიდან ჩამოგველით, ვინაობა იკითხეს. მე პირდაპირ უთხარ, რომ აქაური ახლად დანიშნული მღვდელი ვიყავ. იმ დღიდან აღარ მინახავს ისინი, მათი ნალაპარაკი კი სრულიად სიმართლე გამოდგა.

აი ეს ამბავია ჩვენ შორის, მკითხველო, რომ გაიქერაობა არ მენხმარა ჩემ თავათ, ისე გვეკარგებოდა წმ. გიორგის ეკლესია, როგორაც ტფილისის ეხლანდელი ვანქის სობორო. 10 გიორგობას, ამ ზემოხსენებულ ეკლესიას შემოაქვს ერთ დღეს ორას თუმნამდე მეტი. ამ ეკლესიის საქმე დღეს მათ უსამღვდელოესობას ებისკოპოზს კირიონს აქვს დავალებული. აქ ამ ხატის სოფელში სხვა პატარა ეკლესიაა აშენებული ძველად როს. ტომ მეფის და მარიამ დედუფლისაგან თავიანთი შვილის გედალის სულის საცხოვნებლად, როგორც სჩანს წარწერიდან. ეს ეკლესია სდგას ერთი მთის ძირში, იყო უგალავნოთ ღ უსამრეკლოთ. ბებერი ვეცადე, მაგრამ ჩემმა სიტყვამ არ გასჭრა ხალხთა შორის, რომ ეკლესიისთვის ყურადღება მიექციათ. ჩემი ხმა მაინც არ დარჩა ხმად მლაღადებლისა უდაბნოსა შინა. აღმოჩნდა ვინმე ბასილავილი, რომელმაც მოიწადინა აგება სამრევლო გალავნისა ეკლესიის გარეშემო. ესე გავგზავნე არქიელთან,

ზედ ბლალოჩინს უკან გამოეგზავნა და დაეწერა: «Прежде всего составить приговоръ отъ имени мѣстныхъ, сельчанъ и составить комитетъ. благ...» მე მივწერე, რომ რადგან ერთი ვინმე პირი აშენებს სამრეკლოსა და გალავანს, არ უნდა ამაზე პრივილეგია და კომიტეტი, გთხოვთ იშუამდგომლოთ და ნებართვა გამოგვიტანოთ მღვდელ-მთავრისა-მეთქი, მაგრამ აი ორი თვეა, რაც სამრეკლო და გალავანი მზათ არის და არც ნებართვა მოგვსვლია, არც არა სხვა პასუხს გვაძლევს მ. ბლალოჩინი. თუმცა პატივცემულმა ბ. ბასილაშვილმა ორას თუმნამდე დახარჯა. მე ვამბობ ყოველ თავის ზომით როგორც ხედავს მკითხველი, რადგან ჯერეთ XX საუკუნე ჩვენ 6 საბლალოჩინო ოლქისათვის არ დამდგარა—ეხლა ეს კმარა, და, ოდეს ღვთის შეწევნით მოვესწრებით მას, რომ აღარც ეკკლესიები დაგვრჩება და რაც გვაქვს, იმასაც წავგვართმევენ, მერე საქართველოს ისტორიისათვის, ერთ ხმად შეუდგებით ბორჩალოს ეკკლესიების ისტორიის აღწერას.

მდ. ს. ბაიდაშვილი.

(გაგრძელება იქნება.)



«მწყემსის» კორამსკონდენცია.


კუდაჩის ხეობა (რაჭის მაზრაშია). დაბა ონიდან აღმოსავლეთისაკენ ოც-და-ათი ვერსის დაშორებით მღებარეობს ერთი განკერძოებული ვაწრო ხეობა, რომელსაც კუდაჩოს ხეობას ეძახიან. ამ ხეობაში სცხოვრობენ ოსები. კუდაჩოს ხეობაში თხუთმეტი სოფელია, რომლებშიაც 340 კომლზედ მეტი მცხოვრებია. აქაურმა ოსებმა ოსურს გარდა ქართულიც ბევრმა იცის; ყველა მცხოვრებნი მართლმადიდებლის სარწმუნოებისანი არიან. ამ ხეობას მდინარე ჯეჯორა ჰყოფს ორ ნაწილად. მდინარე ჯეჯორა გამოჰქუხს ამ ხეობის ერთს მთის გორიდან და ერთვის მდინარე რიონს დ. ონის მახლობლად. ჯეჯორის ორივე ნაპირებზე სცხოვრობენ ოსები. ერთ ხეობას ქვიან ჯაქნარის ხეობა, ხოლო მეორეს ხამთარეთისა. ოსები მისდევენ მი-

წის მუშაობას, მაგრამ ადგილის სიმცირე, კინახულის მოუსავლობა და ხეივანი ვზების უმქონებლობა ნამეტან შეწუხებას აძლევს საწყალ ოსებს. წასულს 1898 და 1899 წლებში აქაურმა ოსებმა განიზრახეს ამ ხეობიდან გადასახლება და კიდევ შეუდგნენ ამ განზრახვის სისრულეში მოყვანას. თელავის მაზრაში იყიდეს მათ ადგილები და 40 კომლი კიდევ გადაესახლა. ეს გადასახლებულნი ხშირად მოდიან ხოლმე კუდაჩოში სალოცავად. ჩემს კითხვაზე თუ როგორ ცხოვრობენ ისინი ახლად შეძენილს მიწა-წყალზე, ასე მიპასუხებენ ხოლმე: «მამაო! თუმცა ძნელია თავისი სამშობლოს დატოვება, მამა-პაპის დატოვებული ადგილების გაყიდვა, მეზობლების და მოკეთების მოშორება, თავისი სალოცავების მოტოვება, მაგრამ რა უყოთ, იკურთხოს ის ღღე, რა ღღესაც ჩვენ კუდაჩოს მოვშორდით, ახალ მიწა-წყალზე კინახულიც ბევრი მოგვდის, პირუტყვებიც ბევრი გავიჩინეთ და კახელებსაც კარგად შევეწყვეთ; მადლობას ვსწირავთ უფალსა, რომ მან ავგაცილა თავიდან მრავალი ტანჯვა-წვალება». როგორც ზემოთაც მოვიხსენიეთ, კუდაჩოს ოსები ყველანი მართლმადიდებელი ქრისტიანენი არიან. დღემდის მათ ჰქონდათ ერთი ეკკლესია, დღეს კი აქ ორი ეკკლესიაა. თითოეულს ეკკლესიაზე თითო მღვდელი და მედავითნეა. მღვდლების წყალობით, ამ ხეობაშიდ მრავალი საზიზღარი ჩვეულება მოსპობილა. ოსებს საზიზღარ მოქმედებათ მიაჩნდათ: ჯკრის წყრით შეუღლება, (რის გამო დღესაც ბევრია ჯვარ დაუწერელი), აღსარების თქმა (და ზიარება წმ. საიდუმლოთი, მცირედ სწამთ ჯვარი და სახარება, ეხარებათ ქალების ეკკლესიაზე სიარული. მაგრამ ეს არა ქრისტიანული ზნე-ჩვეულება ოსებში თანდათან ისპობა. თუმცა აქაური ხალხი ღარიბია, მაგრამ უცხო კაცი თუ ეწვია ოსს, დიდ პატივსა სცემს, არას დაიშურებს, თუ კი რამ გააჩნია, სულით და გულით მიიღებს სტუქარს და გაუმასპინძლდება შეძლებისადაგვარად. პირველი ეკკლესია არის აშენებული სოფელს ჩასავალში 1819 წელს სახელმწიფო ხარჯით და ეკკლესიის კრებულს ინახავს კავკასიაში მართლ-მადიდებელი სარწმუნოების აღმადგინებელი საზოგადოება; ეკკლესია არის ქვისა, უბრალო გეგმით აგებული. ხალხი კუდაჩოს ხეობისა, სიშორის გამო, მოკლებული იყო წირვა-ლოცვას. დიდს განსაცდელსა და გაჭირვებაშია აქაური

მღვდელი ზამთარში, როცა დიდი თოვლისა და ქარების გამო გზა იკვრის. სამწყსოს დაძვირებულ სუსათუოდ უნდა წავიდეს მღვდელი და აუსრულოს რომელიმე მღვდელ-მოქმედება. 1890 წელს განსვენებულმა ყოვლად სამღვდლო იმერეთის ეპისკოპოსმა გაბრიელმა მღვდლად აკურთხა გორის სემინარიაში კურს დამთავრებული ერთი პირი. მოვიდა თუ არა ეს მღვდელი კუდაროს ხეობაში, იგი მაშინვე შეუდგა ამ ხეობაში მეორე შტატის ეკლესიის გახსნას და მისი თხოვნა შეწყნარებულ იქმნა უმაღლესი სასულიერო მთავრობისაგან. კუდაროში მრავალი ძველი ეკლესიებია, მათში შესანიშნავია ხუთი სოფელ კობიეთაში, რომლის შენობა წასულს წელში დასრულდა და წელს აკურთხეს. ქვემოთქაში, ჩასავალში, ნადარბაზევში და ქასაგინაში. ყველა ესენი, როგორც მიიხრეს მოხუცებულმა პირებმა, თამარ მეფის ბრძანებით ყოფილან აშენებულნი მშვენიერს და უძვირფასეს გეგმაზე. ამ ეკლესიებში უმეტესს ყურადღებას იქცევდა ს. კობიეთის ნანგრევი ეკლესია. ამ ეკლესიაზე უხსოვარის დროიდან მრავალი ხალხი დაიარგბოდა სალოცავად. ეკლესიის შენობა მთლად მიწაში იყო დამალული, სხვა-და-სხვა გვარის დიდი ხეები ამოსულიყვნენ შიგ ეკლესიაში, კედლები არა ჩანდა, მხოლოდ აღმოსავლეთის მხრით ნახევარი ფანჯარა სჩნდა; ხალხი ამ ფანჯრებიდან ძვრებოდა და ისე ანთებდა სანთლებს უბრალო ქვების წინ. ერთმა ოსმა, სახელად გარსო ძუსოშვილმა, ჩვენება ნახა, მივიდა მღ. ე. მაი—ძესთან და განუცხადა, რომ უსათუოდ კობიეთის ნანგრევი ძველი ეკლესია უნდა გასწმინდო, მისთანა სიზმარი ვნახე, რომ იქ ჯვრები იქნება და სხვა რაიმე ნივთებიც; იგი ეკლესია უსათუოდ აღშენდება, თუ შენ ეცდებიო. მართლაც ეს ოსი შეუდგა ამ კეთილს საქმეს და გასწმინდა ეკლესია, იპოვნა შიგ ორი დიდი ვერცხლის ჯვარი, ერთი წმ. გიორგის ხატი, ჩაჩქანი და მრავალი სხვა და-სხვა წვრილი ნივთები, რომლებიც პოლიციამ წარუდგინა სასულიერო მთავრობას და ისევ უკან დააბრუნეს. ამის შემდეგ ადგილობრივმა ბლ. დეკანოზმა ალექსი გიორგობიანმა მიანდო მღვდელ მაი—ძეს კუდაროს ხეობის და ახლად გაწმენდილი კობიეთის ნანგრევი ეკლესიის აღწერა. ეს აწერილობა ბლ. დეკანოზმა წარუდგინა ნეტარხსენებულს ეპისკოპოსს გაბრიელს, რომელმაც ითხოვა, სადაც

ჯერ იყო ეკლესიის აღშენება წირვა-ლოცვას მოკლებულ ხალხში. ერთმა მოსკოველმა მღვდელმა ქალმა შემოსწირა 3000 მანეთი კობიეთის ეკლესიის აღსაშენებლად, მაგრამ, რადგან ამ ფულებმა არ იკმარა, ამიტომ კავკასიაში მართლ-მადიდებელი სარწმუნოების აღმადგინებელმა სასოგადოებამ დაუმატა ამ ფულებს 1817 მანეთი და აშენდა მშვენიერი ეკლესია. 1900 წელს აქ მობრძანდა ბ. ევტიხი მაშინეშილი ახლად აშენებული ეკლესიის შესამოწმებლად. ბ. მაშინეშილმა სთხოვა დეკანოზს მ. ა. გიორგობიანს, რომ იგი შედგომოდა ადგილობრითი მღვდლის დახმარებით ამ ახალ ეკლესიასთან საკრებულო სახლის აღშენებას და თვითონაც აღუთქვა დახმარება. მართლაც, სულ ცოტა ხანში გაკეთდა საკრებულო სახლი ოსებში მოკრებილი ფულით. ამ საქმეში მონაწილეობა მიიღო აგრეთვე ახლად ნაკურთხმა მღვდელმა ლავ. ლანდიამ.

ყოვლად უსამღვდელოესის იმერეთის ეპისკოპოსის ლეონიდის ლოცვა-კურთხევით 28 იანვარს, ამა წლისა აკურთხეს ახლად აშენებული კობიეთის ეკლესია, მთავარ-ანგელოსთა გაბრიელ და მიხეილის სახელზედ. ეკლესია აკურთხა დეკანოზმა ალ. გიორგობიანმა ადგილობრივი მღვდლების თანამახურებით. წირვის გათავების შემდეგ მამა დეკანოზმა მიპართა იქ დამსწრე ხალხს სიტყვით, რომელშიაც განუმარტა მოლოცველთ, თუ როგორ ცდილობს მთავრობა მათთვის და აშენებს ეკლესიებს, უგზავნის მღვდლებს, რომელთაც უნიშნავს ჯამაგირს ხაზინიდან, მთავრობა ცდილობს აღადგინოს ოსებში ქრისტიანთა ქრისტიანობა, მთავრობა ცდილობს, რომ თქვენ გაუნათლებელმა მთის ხალხმა სწავლა მიიღოთ და სწავლის საშუალებით შეიგნოთ ქრისტიანობა ქრისტეს სარწმუნოება, გაიგოთ რა არის კეთილი და რა არის ბოროტი, დასტოვოთ თქვენი ცუდი საქციელი, ზნე-ჩვეულება, რომელიც თქვენს პატიოსან სახელსა სტებს, ამისათვის არსებს სკოლებს, რათა შეიღოთ თქვენთა და მომავალთა შეიგნონ ქრისტიანობა და თავისი მოვალეობა თქვენ შესაწირათ ხოცავთ ბევრ წვრილ და მსხვილფეხ ცხოველებს, ამით თქვენ დიდ ზარალს აძლევთ თქვენს ნივთიერ ცხოვრებას. ეს მსხვერპლი საჭირო არ არის, თუ გინდათ, რომ თქვენ იყოთ ნამდვილი ქრისტიანნი, უნდა დაიარებოდეთ ეკლესიაში, ევდრებოდეთ ღმერთსა და ისმენდეთ საღმრთო წე-



ოც-და-ათი წელიწადია აქა ვარ დ დავრწმუნდი რომ წესიერების დამყარება აქ არ შეუძლებელია

რილის სიტყვებსა, აგრეთვე ვალდებულ ხართ თქვენი ქალები და შეილები მიაჩვიოთ ეკკლესიაში სიარულს». შემდეგ მ. დეკანოზმა განუმარტა ოსებს, თუ რა არის ეკკლესია, როგორ უნდა დაიარებოდეს კაცი ეკკლესიაში და ემსახურებოდეს ღმერთსა. მ. დეკანოზის სიტყვებს ოსებს უთარგმნიდა ოსურს ენაზედ ადგილობრივი მღვდელი ექ. მაისურაძე, რომელიც მსახურებს ამ ხეობაში 11 წელიწადი და ისე კარგათ შეისწავლა ოსური ენა, რომ ამ ენაზე თავისუფლად ესაუბრება მრევლს.

კუდაროს კომპიისის მღ. ექ. მაი—ძე.

წერილი რედაქციისადმი

(კიევიდან).

თუ საზოგადოთ სასურველია განათლებული და შეგნებული სამღვდლოება, რომელსაც პირდაპირი კავშირი და დამოკიდებულება აქვს დაბალს ხალხთან, უფრო ჩვენი ქვეყნისთვის, სადაც სკოლების რიცხვის სიმცირის გამო ხალხი მოკლებულია საშუალებას გამოვიდეს კრუ-მორწმუნეობის და, საზოგადოთ, უმეცრების მორევიდგან, რომელშიც ის დღეს ცურავს. სასურველია იმიტომ, რომ იმას შეუძლია მიაწოდოს თავისს სამწყსოს გონებრივი და ზნეობრივი საზრდო, ცოტათ თუ ბევრად შეაგნებოს მას მისი ეროვნული ვინაობა, რაც დღეს ჩვენთვის მეტად საჭიროა, და ამნაირად რამოდენიმედ გაუწიოს მას სკოლის მაგიერობა. ამიტომ სასიხარულოდ უნდა მიაჩნდეს ყველას ის მოვლენა, რომ ჩვენი ქართული საეკკლესიო კრებული თანდათან ივსება ასეთი სასურველი წევრებით.

ამ მხრით საჭიროთა ვრაცხ ვაცნობო მკითხხველს ერთი სასიამოვნო ამბავი: წელს კიევის სასულიერო აკადემიაში მიღებულ იქმნა ერთი დამქვრივებული ქართველი მღვდელი—ნესტორ ლეჟავა. მიმდინარე წლის დამდეგს ის დაქვრივდა, და ამ გარემოებამ ის დააყენა იმ გზაზე, რომელმაც ის დღეს კიევის სასულიერო აკადემიაში მოიყვანა.

ვისურვებთ ჩვენის მხრით, რომ მ. ლეჟავას თავისი მიზნისადმი მიეღწიოს.

ქ. კ.

ორჯერ-სამჯერ საჭიროდ ვსცანი სა'ივარი ჩამწერა ქუთაისის რკინის გზის სადგურის საჩივარ წიგნში უწესოებათა გამო გელათობას. ხშირი შემთხვევა ყოფილა, რომ უბილეთო ხალხით ვაგონები სავსე იყო და ბილეთებიანი კი რჩებოდნენ ან და ფეხზე იდგნენ. ერთ ვაგონში ხშირად ას კაცზე მეტი იყო და მოგზაურები იღრჩობოდნენ შეხუთულ ჰაერში. არ იქნა ამ უწესოებათა მოსპობა. ამ წელში ხსენებულ სადგურზე მატარებლის წასვლის წინეთ ვკითხე ერთ კონტროლერს:

—არის რაიმე ზომები მიღებული ამ წელს იმ უწესოებათა წინააღმდეგ, რომელნიც წინეთ ნიადაგ ხდებოდა აქ, თუ ისევ ძველებურად უნდა დავგამტვირთონ გვერდები ვაგონებში შესვლის დროს და თითო ვაგონში დადებულ რიცხვზე ოთხჯერ მეტი წამსვლელები იქნებიან?

იქვე გვერდით მჯდომი, შორეული სადგურის ვილაც უმფროსი წამოდგა და გვითხრა: „მამო, მე ოც-და-ათი წელიწადია ამ მხარეში ვმსახურებ, მაგრამ წესის დამყარება აქაურ ხალხში არ შეიძლება. ხომ ხედავთ, ყველას ხანჯლები აქვს და თუ უთხარი რამე, ამ წუთისოფელს გამოგათხოვებენ“...

—სრულებით არა, —უთხარით ჩვენ, —სრულებით მოტყუებული ხართ თქვენს მსჯელობაში. ოც-და-ათი წელიწადი კი არა, სამოციც რომ იმსახუროთ, მაშინაც ვერას გაიგებთ, თუ წესის დამყარების არა გესმისთ რა. თქვენ რომ თქვენი მოვალეობის არა იცოდეთ რა, რა შუაშია ხმლები და ხანჯლები, ვისაც უნდა ეკიდოს ესეები? აქვსთ თუ არა ნაბრძანები კასირებს, რომ ადგილებზე მეტი არ გაჰყიდონ ბილეთები?

—აქვსთ, —მომიგო მან.

წავედი და ვკითხე კასირს. კასირმა მომიგო: „ჩემთვის არავის არა უთქვამს რა ბილეთები იმდენი გაყიდე, რამდენიც ადგილია და მეტს ნუ გაყიდო“. მივბრუნდი და უთხარი ეს სადგურის უმფროსს კონტროლერს და იმას, რომელიც ოც-და-ათი წელიწადია მსახურებს და თავის მოვალეობა კი არ ცოდნია. მაშინ ამ ბატონებმა იკადრეს და

თქვეს, რომ ეგ ჩვენი საქმე არ არისო. ეს ჟანდარ-
მების უმფროსის საქმეაო. ამ დროს მოვიდა ჟანდარ-
მის ოფიცერა გამრეკლიძე, რომელსაც განუცხადე
ყოველივე ეს და უთხარი, თუ როგორ შეიძლება
წესიერების დაცვა ამისთანა შემთხვევაში მეთქი.
მან მომიგო: „მე განზრახული მაქვს ეს წესები და
დარწმუნდით ყველას ავასრულებ და იმ უწესობას
ვერ ნახავთ, რაც წინეთ გინახავთო. მართლაც მა-
შინვე მოახდინა განკარგულება, რომ ბილეთები მე-
ტი არ გაეყიდნათ და ზალიდან უბილეთოთ არავინ
გამოეშვათ. მისი ცქციტი, მარდი და მიმხედური
განკარგულებით ისეთი წესიერება დაარსდა ქუთაის-
ის სადგურზე, რომელსაც აქ რკინის გზის გახსნიდან
მხოლოდ ეხლა ვხედავთ. ხანჯლებიც ქონდათ და
ხმლებიც, მაგრამ წესიერება მშვენიერი სუფევდა და
დიდი მადლობელიც არიან ყველანი ბ. გამრეკლი-
ძისა. გაბედულად შეგვიძლია ვსთქვათ, რომ თუ რაიმე
უწესობა არის ჩვენში რკინის გზებზე, პირველად
დამნაშავენი არიან თვით წესიერების დამცველნი
და შემდეგ ხალხი.

დკე. დ. ღამბაშიძე.

ფონოგრაფით გადაღებული სახალხო
სიმღერა.

ძლივს ეღიბრა ქართული სიმღერების ხმებს
ფონოგრაფით გადაღება! რამდენიმე წელიწადია,
რაც უკეთეს საშუალებად სახალხო მელიოდიების
გადასაღებად ფონოგრაფი შემოიღეს. ჩვენში ამას
ეხლახან მიაქციეს ყურადღება და ამ ზაფხულს ბ.
ზაქარია ფალიაშვილმა «წერა-კითხვის საზოგადოე-
ბის» დახმარებით კახეთსა და გურიაში გადაიღო
სიმღერების ხმა.

ჩვენ დავესწარით აგვისტოს 18-ს ფონოგრაფის
დაკვრას და შეგვიძლია ვსთქვათ, რომ მომეტებული
ნაწილი სიმღერებისა კარგის სინამდვილით ჩაწერი-
ლა, რამდენადაც კი ფონოგრაფს შეუძლია.

ყველაზე წინ უნდა ვსთქვათ, ჩვენი ნახული

ფონოგრაფის ცილინდრები (მილები) წმინდა სანთ-
ლისა იმ სიდიდეს, რომ მასზე დაიწერება ორი
წამის ხანში სამღერალი ხმა. იმის გამო უფრო მე-
ტის ხანგრძლივად სამღერალი ვერ იწერება და
ამიტომ, სიმღერა თუ გრძელია, ან უნდა აჩქარე-
ბულად ნამღერი. დაიწეროს, ან უნდა შეიქრას და
უკულოდ გამოვიდეს. საზოგადოდ გრძელი სიმღე-
რისათვის უფრო დიდი ზომის ცილინდრებია საჭირო.

სწორედ ეს მიზეზია, რომ ზოგი სიმღერა
სრულიად და კარგად არის გადაღებული, რომე-
ლიც კი ორ წამში ასწრებს გათავებას, და სრულად
კარგად ვერ არის გადაღებული უფრო გრძელი
სიმღერები.

კახურის სიმღერებისაგან მშვენივრათ გაიგო-
ნებთ სუფრულ (ჩაკრულს) მკიდამ წამოსვლის დროს
სიმღერას და ურმულს. მეტადრე ეს ორი უკანასკ-
ნელი კარგად ისმის, ეტყობა კარგი მომღერლები
ყოფილან, მეტადრე ურმულის მომღერალი. სიმ-
ღერის ხმა ნამდვილი ხმაა ადამიანისა, მხოლოდ
სიტყვები მკაფიოდ ვერ ისმის, რაიცა მომღერლის
ბრაალი უნდა იყოს და არა ფონოგრაფისა.

გურულ სიმღერებში უკეთესად გამოსულა
საცეკვაო სიმღერები კრიმანქულებით და თან ტა-
შის კვრით. „ხასამბეგური“, გათქმული ქობულე-
თური სიმღერა ქობულეთში და აჭარაში, ვერ გვე-
ჩვენა თავის მშვენიერებით, როგორც ეს გაგვიგო-
ნია გურიაში. უკეთესი ამის მომღერლების სიმღე-
რას ვერ შეედრება ეხლა გადაღებული. „ნადური“
ორჯერ არის გადაღებული და არც ერთი არ ვარ-
გა. გძელი სიმღერაა და ვერ მოუსწრია ფონოგ-
რაფს. უკეთესად ისმის „ხელხვაი“ და აგრეთვე
„შინდი შინდი“. სიტყვები გურულ სიმღერებშიაც
მკაფიადობას მოკლებულია კახურისაგან. რაც უნდა
იყვეს, ეს პირველი საცადისია ქართულ სიმღერების
ხმების წერისა. დღევანდლამდე ნოტებზედ გადამა-
ღებნი ვერ ახერხებენ, რომ სრულის სინამდვილით
დასწერონ ქართული სახალხო მელიოდიები და ამი-
ტომ ფონოგრაფით წერა აუცილებელი საჭიროებაა.
სანამ ნოტების მწერლებში მკოდნე, ნიქიერი და
განსწავლული გამოჩნდებოდეს, და მაშინაც კი, თუნდ
გამოჩნდებოდეს, ერთად ერთი საშუალება ნამდვი-
ლად სიმღერის შეკრებისა და წერისათვის ფონოგ-
რაფი. ფონოგრაფი მუსიკის მკოდნე ნოტების

მწერლებსაც და მომღერალ გუნდებსაც დიდ დახმარებას მისცემს. ამისა გამო დღეს ვისაც სახალხო მელოდიების მნიშვნელობა ესმის, ფონოგრაფიით წერას უნდა მიაქციოს ყურადღება.

მადლობის ღირსია წერა-კითხვის საზოგადოების გამგეობა, რომ დასაწყისი მისცა ამ საქმეს და ბატ. ფალიაშვილს დააწერინა სახალხო მელოდიები, რომელიც სკოლებში სამღერლად უფრო საჭიროა, ვიდრე დღევანდლამდე ნაწერი ნოტები მცირე მცოდნე კაცებისა.

დასასრულ უნდა დავუმატოთ, რომ ფონოგრაფის მომართვა ძნელი საქმე არ არის, ადვილი შესასწავლია და ყველას, ვისაც კი ყიდვა შეუძლიან, ადვილად მოახერხებს მომართვას. რასაკვირველია უკეთესად მას შეუძლიან, ვისაც მუსიკის სწავლა მეტი მიუღია. წერის დროს, რასაკვირველია, საჭიროა კარგი ხმიანი მომღერლები მოსძებნოს დამწერმა და იმისთანა სოფელი, საცა უფრო შენახულა კარგი სიმღერების ხმა და გათქმულია მომღერლებით.

„ივერია“

კონების სალაროდან.

—ქალები, რომელთაც მარტო გარეგანი საღამაზით მთაქვსთ თავი, ამტკიცებენ, რომ მათ არავითარი ღიწსება არ აქვთ.

—კაცის მოსეიდვა ქალებით უფრო ადვილია, ვინემ სხვა რამითა.

—უოველივე უბედურება, რომლის თავიდან მოშორება არ შეიძლება, უფრო ადვილი ასტახა შეიქნება, თუ კაცს მოთმინება არ დაუკარგება.

—უბედურების წვევა მაშინ არის სასიძცხ და სამწუხარო, როცა იგი დაიმსახურა კაცმა.

—არავის არ შეუძლია ისე ამზარტავნობა, როგორც სულებს, რომელსაც სიჩუმით უნდა თავის თავი ფილსოფოსად გამაჩინოს.

—ფუქსავატი და თავ-ცარაქვა კაცები თავიანთ უბრალო და უმნიშვნელო საქმეებს ისე ადიდებენ, რომ დიდ და შესახაშნავ საქმეებს ვეღარც კი ხედევენ.

—შესახაშნავ კაცებად ისინი არიან მისამჩნევი, რომელთაც სიკვდილის შემდეგ ყველა საკლისობს.

—ვინც ბევრს ცდილობს თავის გამჩენას და დიდ კაცობას, ისინი არასოდეს არ შეიქნებიან გამჩენილნი და დიდ კაცნი.

—ბარბაროსობა რჩენილია: ერთი არსებობს განათლებას წინ და მეორე განათლებას მისდექს.

—არასოდეს არ უნდა ერწმუნონ იმ კაცების სიტუვას, რომელთაც ზატიოსნება დაუკარგავთ და ცუდი უოფაქტევისანი არიან.



მურნალ-გაზეთებიდან.

ქართველების „მეგობარი“ ვ. ველიჩკო, თუმცა დიდი ხანია რაც გადიხვეწა ჩვენი კუთხიდან, მაგრამ, მაინც ვერ სძლებს ისე, რომ ქართველებზე არაფერი სთქვას. ბ. ველიჩკო ძლიერ ბევრს პირდებოდა ჩვენში მის ბრმად თავყანისმცემელთ, რომელთა შორის ჩვენი პუბლიცისტებიც იყვნენ და ამედებდა კიდევ მათ: კავკასიაში გაზეთს დავაარსებ და ჩემ პოლიტიკას განვაგრძობო, მაგრამ ყველა ესეები გაუცრუვდა. დიდ იმედებს უქალოდენ ყოველ ახალ წლობით მისი ნასხურები თანამშრომლები მთელს ქვეყანას თავიანთი ნიჭითა და წერით, მაგრამ არარაისგან, რასაკვირველია, არა რა გამოვიდოდა. ეხლა, როგორც ვსთქვით, გული არ უთმენს, რომ არაფერი სთქვას ქართველების სასარგებლოდ და აი რა დაუბეჭდია ერთ რუსულ გაზეთში ბ. ველიჩკოს:

„თუ ჩაუკვირდებით ქართველთა ცხოვრებასაო, ამბობს ველიჩკო, ნათლად დავინახავთ ამ ერის სულიერსა და მატერიალურ დაცემასაო. ამის მიზეზი ბევრიაო. პირველი მიზეზი—ომიანობის მოსპობა და მშვიდობიანად ცხოვრება არისო. ქართველები, არწმუნებს ველიჩკო მკითხველთ, ომში პპოვებდენ ძალასაო და ხანგრძლივი მშვიდობიანობა მათთვის საზარალო არისო. ომი ასაზრდოვებდა ქართველის სარწმუნოებრივს გრძნობასაო, ეს გრძნობა კი გამაცოცხლებელი იყოო... მაშასადამე, პირველი დასკვნა ჩვენის „მეგობრისა“ შემდეგია: ქართველი ომით იყო ცოცხალი, მშვიდობიან ცხოვრებისათვის კი ის სუსტია და გამოუსადეგარი...“

„პრინციპიალურად მესამოცე წლების დიდმა რეფორმებმა შეიტანეს ქართველთა ცხოვრებაში გარეგანი სიცხოველე, მაგრამ ამასთანავე ღრმა და მავნებელი გავლენა იქონიეს მათ შინაურ ცხოვრებაზე. მალალი წოდება მალე დაეცა და დაადგა განადგურების გზას, ხალხი კი აღმოჩნდა უმწყემსო ფარად (народная масса оказалась беспастушным стадом)“.

«ვარანცივის დროს იყო სწორედ იმ ტიპის სკოლა, რომელიც ნამდვილად შეეფერებოდა ადგილობრივ მოთხოვნილებათ. ეს იყო სკოლები ბატალიონებში და პოლკებში, რომელნიც ცოტა ცოდნას იძლეოდნენ, მაგრამ დიდი აღმზრდელი მნიშვნელობა ჰქონდათ, რადგანაც წრთვნიდნენ ხასიათს და უნერგავდნენ ქართველებს მოვალეობასა და ღირსების გრძობას, ყოველივე ეს კეთილი იყო ქართველთა სულიერ მხარისათვის, რადგანაც ქართველებს უწინარეს ყოვლისა დისციპლინა სჭირიათ. ამიტომაც სწორედ ამ სკოლიდან გამოვიდა ბევრი შესანიშნავი მხედართ-მთავარი და ადმინისტრატორი, რომელთა ბუნებრივი ნიჭი სავსებით აღყვავდა. მხოლოდ ამგვარ სკოლას შეეძლო წინააღმდეგობა გაეწია ქართველთა ძველთაგან ნაანდერძვე მრავალ ნაკლულევანებაათთვის»...


უკანასკნელად ბ. ველიკოს აქ ყოფნის დროს, მან კავკავის მთიულეთში ინება წასვლა, რომ ხალხის ცხოვრებისათვის გადაეცლო თვალი. ძლიერ გაუკვირდა ბ. ველიკოს, რომ მთიული ხალხი თავიანთ მღვდლებზე ბევრად უფრო პატივს ცემდა ხევის ბერებს — ესრედ წოდებულ „დეკანოზებს“. ველიკომ ურჩია ჩვენ საზოგადოებას და სათანადო მართებლობას, რომ ეს ხევის საბერო (სადეკანოზო) პირები სემინარიაში აღეზარდათ და მღვდლობა მათთვის მიენიჭებიათ. მაღლობა ღმერთს, რომ არ გაუგონეს მას...

* *

გამოცხადდა შემდეგი ცირკულიარი შინაგან საქმეთა მინისტრის გუბერნატორების მიმართ: „მოუსავლობას, რომელიც ეწვევა მთელს გუბერნიას ან და რამდენსამე მაზრას, როგორც მაგალითი გვიჩვენებს, ადვილად შეუძლია გამოიწვიოს სხვა-და-სხვა ავადმყოფობის გავრცელება. ამიტომ, გარდა იმ წესებისა, რომელიც მე აღვნიშნე 17

ავგისტოს ცირკულიარში, საჭიროდ ვრაცხ დავაწესო საექიმო დახმარება დაზარალებულთა ადგილებში. საგუბერნიო და სამაზრო დებულების მეორე მუხლის და მერვე პუნქტის თანახმად, ეს საქმე ევალება საერობო დაწესებულებათ; იმის გამო უმორჩილესად ვსთხოვ თქვენს აღმატებულებას, წინადადება მისცეთ მომავალს საერობო კრებას განიხილოს შემდეგი საგნები: 1) მაზრაში საექიმო და საფერშლო განყოფილება იმდენი უნდა იყოს, რომ განყოფილების ექიმს თავის ფერშლებით დაუბრკოლებლად შეეძლოს თვალ-ყურის დევნება სნეულ მკვიდრთათვის; რადგანაც ესლანდელი რიცხვი ექიმებისა ამ საქმისათვის საკმარ არ იქნება, საჭიროა მათი რიცხვის მომატება. 2) ფერშლები დრო-გამოშვებით უნდა დადიოდნენ თავიანთ რაიონებში და თუ ვისმე ღრძილების ანთება, ანუ გადამდები სენი გაუწდება, დაუყოვნებლივ თავიანთ რაიონის ექიმს უნდა შეატყობინონ. ექიმი ადგილობრივ უნდა წავიდეს და შესაფერი ღონისძიება მიიღოს სნეულის მოსარჩენად. 3) თუ ადგილობრივი სავადმყოფოები ავადმყოფებით გაივსება, რაიონის ექიმს უნდა მისცეთ ვარაუდით ათ-ათი თუმანი თითოს, რათა ავადმყოფებს რიგზე მოუარონ. ავადმყოფების მოსავლელად შეიძლება დაიქირაფონ გარეშე პირნიც, იმავე სოფლის მცხოვრები ქალი ანუ კაცი. 4) ესლავე განკარგულება მოახდინონ, რომ ექიმებს დროზე მიეცეთ საჭირო წამლები. 5) საზოგადოების ჯანმრთელობისა, მიღებულ ღონისძიებისა და ადგილობრივ საჭიროებათა შესახებ ექიმები პირდაპირ აცნობებენ სასურსათო ზედამხედველს.

თუ ზოგიერთი ღონისძიება შეძლების უქონლობისა, ან სხვა პატივსადებ მიზეზთა გამო ვერ შესრულდა, თქვენ დაწვრილებით უნდა მომახსენოთ ამის თაობაზე. ამას გარდა თქვენ უსათუოდ უნდა ეცადნეთ საექიმო რაზმები შეადგინოთ; ამ რაზმებს საგუბერნიო მმართველობა გაჰზავნის იმ ადგილებში, სადაც სენი გაწდება. არა ნაკლებ ორის ამისთანა რაზმისა უნდა ნიადაგ მზად იყოს იმ მაზრაში გასავზავნად, სადაც სენი გაწდება; როცა ეს რაზმები გაივზავნება სადმე, იმათ მაგიერად სხვა რაზმები უნდა შედგეს; რასაც ამ ცირკულიარით ღონისძიებას მიიღებთ, დებეშით უნდა



მაცნობოთ, და ყოველი მიწერ-მოწერა ამ საქმის შესახებ სამინისტროსთან დებეშით უნდა იქონიოს».

«რუსსკ. ვედომ.»^{* *} ამბობენ, რომ საშუალო სკოლა ერთნაირი უნდა იყოს რუსეთის ყველა მხარისთვის; ეს სკოლა უწინარეს ყოვლისა უნდა ასწავლიდეს იმას, რაც ყველასათვის უფრო საჭიროა, რასაც შეუძლია გაწვრთნას ყმაწვილის გონება და გული, ვინც უნდა იყოს ეს ყმაწვილი: რუსი, პოლონელი, ქართველი თუ სომეხი. მაგრამ შემდეგ სკოლას უნდა მიეცეს ცოტადენი თავისუფლება, რათა დაუახლოვდეს ადგილობრივ პირობა-საჭიროებათა. მაგალითად, ამბობს გაზეთი, გეოგრაფიისა და ისტორიის სწავლების დროს განსაკუთრებული ყურადღება უნდა მიექცეს ადგილობრივ გეოგრაფია-ისტორიის შესწავლასაო. ზოგიერთ ადგილებში კი, განაგრძობს გაზეთი,

„სასარგებლო იქნება შემოღებულ იქმნას დამატებით საგნები, რომელთა სწავლება სავალდებულო უნდა იყოს ყველა მოწაფეთათვის ან ნაწილისათვის, მაგალითად, პოლონეთში სასარგებლო იქნება პოლონურ ლიტერატურის შესწავლა საშუალო სკოლაში; ტფილისისა და ქუთაისის საშუალო სკოლებში სასარგებლო იქნება ქართულ და სომხურ ენების და ლიტერატურის და აგრეთვე კავკასიის ეტნოგრაფიისა და არხეოლოგიის შესწავლა“...

„რა გზით და საშუალებით უნდა მოხერხდეს ეს საქმე, ეს ადგილობრივ უნდა გამოიკვეს სპეციალისტებისაგან: ჩვენ მხოლოდ საჭიროდ მიგვაჩნდა პრინციპიალურად დაგვეყენებია ეს კითხვა“.


^{* *}
რუსეთში, არაყის ვაჭრობის მონოპოლიის შემოღებაში, სხვათა შორის, ლოთობის წინააღმდეგ საშუალებასაც ხედავდენ. თუ რა შედეგი მოყვა ამ მონოპოლიას, ამას ნიჟნინოვგოროდის მაგალითი გვიჩვენებს. მონოპოლიის შემოღების შემდეგ იმ ზომამდე გავრცელებულა ქუჩებში ლოთობა, რომ ქალაქის საბჭო იძულებული შეიქნა ყურადღება მიექცია ამ სამწუხარო მოვლენისათვის. როგორც საბჭოს სხდომაზე გამოიკვა, ეს ქუჩაში ლოთობა ისეთ უმზგავსოებათა და უსაქციელობათ იწვევს ქალაქში, რომ წარმოუდგენელია. სალა-

მობობით (ხშირად ძალიან ადრე) ხდება ქალების გაძარცვის, შეურაცხყოფის მაგალითები. ამ ქუჩაში მოქიფეთა ჯგუფები ითრევენ თავისს წრეში ახალგაზდებს და რყენიან. უსაქმელოთ არაყის სმამ ბევრათ გაამრავლა დამთვრალთა რიცხვი, რომელნიც ქუჩებში ტიტველ მიწაზე ყრიან და ძინავთ; ამას მოყვა ავადმყოფობათა გახშირება. სკანდალებისა და უწესოებათა გახშირებამ ადმინისტრაცია იძულებულ ჰყო პოლიციელთა «პოსტები» მონოპოლიის სავაჭროებთან გადაეტანა.

ამ მიზეზით ქალაქის თვითმართველობა 1) თხოვს გუბერნატორს აღკრძალოს ქუჩაში ლოთობა, 2) დააყენონ პოლიციელები ყველა ღვინის სავაჭროებთან და მათი ჯამაგირი გაიღონ სახელმწიფო ხაზინიდან, და 3) შეადგინოს განსაკუთრებული კომისსია იმ ცუდ მოვლენათა გამოსარკვევად, რომელიც მონოპოლიის მოყვა.

^{* *}
ამ უკანასკნელი კვირის განმავლობაშიაც დიდი შეტაკება მოუხდენიათ ბურებს და ინგლისელებს. დებეშით იტყობინებიან: იტალიის სიმეგრის მახლობლად მომხდარ ბრძოლაში მოუკლავთ ერთი ინგლისელი პორუჩიკი და 11 სალდათი; დაუჭრიათ 5 აფიცერი და 38 სალდათი. გარდა ამისა 63 კაცი უგზოუკვლოდ დაკარგულა. ბურების მხრივ მოუკლავთ 250 კაცი და 300 დაუჭრიათ თუ ტყვედ წაუყვანიათ. ბრძოლა გაგრძელებულა 19 საათს. ამ ბრძოლაში მონაწილეობას იღებდენ: გენერალი ლუი ბოტა, მაიორები: გრომელაადი; ეშმეტი, დანჰაუზერი, ოპერმანი და სხვ.

^{* *}
„ბერლ-ტაგებლატ“-ს კონსტანტინეპოლიდან სწერენ: „რუსეთის საელჩოს შეუტყვია, რომ სომხეთში დიდი შიშიანობაა. როგორც ჩანს, ქუროები ისევ მალე დაეცემიან სომხებს. მოხელეები არაფერს არ არიგებენ და სრულებითაც არა ზრუნავენ სომხებისათვის. ან კი რას განდებიან? ყველა ქუროთი კარგადაა შეიარაღებული. ოსმალეთის მთავრობა კი ირწმუნება, ტყუილად ეშინიან ხალხს, სომხეთში იმდენი ჯარი გვყავს, რომ წესიერების დარღვევას ვერაფერს ვაბედავსო.“



ახალი აშბები და შენიშვნები.

8 სექტემბერს გელათმა ჩვეულებრივად ილღესასწაულა ღვთის ნშობლის შობა. 7 გელათის მონასტერში მიბრძანდა მათი მეუფება ლეონიდი და მწუხრი და ღამისთევით ცისკარი გარდინადა მონასტრის სამღვდელოების თანამსახურებით. 8-ს წირვა შეასრულა მათმა მეუფებამ ახიმანდრიტების სერაფიონის, ბესარიონის, ნიკიფორეს და სხვა სამღვდელოთა თანამწირველობით. წირვის გათავების შემდეგ, პარაკლისის წინ, მათმა მეუფებამ წარმოსთქვა მეტისმეტად მგრძნობიარე და შესანიშნავი სიტყვა, რომელიც ამავე ნომერში იბეჭდება. სიტყვის შემდეგ პარაკლისი იყო გარდახდილი, რომელზედაც მათ იმპერატორებით და მთელი სავეფო სახლეულობის სახელზე წარმოთქმული იყო მრავალ ჟამიერობა. გელათობას დიდი ხალხი დაესწრო. არავითარი უწყსოება არ ყოფილა.

* * გამოცხადდა, რომ ქალაქი კონსტანტინეპოლი შავის ქირის მხრით საშიშრად არის აღიარებული.

* * ამ წელს იურიევის უნივერსიტეტში შესულა ორას-ოთხმოცდა რვა სემინარიელი.


* * უკანასკნელ დიდ წვიმებს გამოთენისათვისაც მიუტია ზარალი. წყალი ჩასულა და დაგუბებულა ხელოვნების, ბეჭდვითი საქმის და საოჯახომრეწველობის განყოფილებაში; მაგრამ აქ არაფერი გაფუჭებულა; ზარალი უნახავს მხოლოდ ნობელის პანორამას, სადაც ბევრი სურათი დაუსველებია წყალს და გაუფუჭებია. მადლობა ღმერთს, რომ წყალს არ წაუღია სულ და დასოლება კიდევ არაფერია!..

* * საიუბილეო ღღესასწაულისათვის. ქალაქს 15 სექტემბრამდე შეუკრებია სულ 1700 მანეთამდე. აქ შედის ის 500 მანეთიც, რომელიც ქალაქის საკრედიტო ბანკმა შემოიტანა.

* * ქალაქის გამგეობის მიერ შეგროვილ ცნობებიდან აღმოჩნდა, რომ ტფილისში სულ 1400 ძალის უნდა დაედვას გადასახადი; ხარჯო-აღრიცხვით კი გამოანგარიშებული იყო 800. ქალაქის გამგეობა შეუდგა გადასახადის ფურცლების შედგენას, რათა 1-ლ იანვრიდან დაიწყოს კიდევ გადასახადის აღება.

* * ამ დღეებში სენატმა განმარტა ერთი საგანი, რომელსაც ფრიად დიდი მნიშვნელობა აქვს დასავლეთ საქართველოს გლეხთა ცხოვრებაში: საქმე იმაში მდგომარეობს, რომ საგლეხო კანონთა ძალით მებატონეს ნება აქვს ჩამოართვას გლეხს საინადელოდ მიცემული ვენახი, თუ იგი წამხდარია გლეხისაგან მოუვლელობის მიზეზით. დასავლეთ საქართველოში, როგორც ვიცით, ფილოქსერაა გავრცელებული და ვენახები ფუჭდება. ზოგიერთ მებატონეთ ისარგებლეს ამ შემთხვევით და გლეხებზედ საჩივარი განაცხადეს სათანადო დაწესებულებაში (აღგილობრივ მომრიგებელ-შუამავალთან) და თხოულობდნენ გლეხებს ჩამორთმეოდათ ვენახი და მებატონეებისთვის მიეკუთვნებინათ. ეხლა სენატმა განმარტა, რომ, თუ გლეხი წარმოადგენს მთავრობის აგრონომის მოწმობას, რომ წამხდარი ვენახი იმ აღგილებშია, რომლებიც ფილოქსერით დაზარალებულად ცნობილია, მაშინ ეს ვენახი აღარ ჩამოერთმევა გლეხს, რადგან მისი გაფუჭება გლეხის ბრალი კი არ არის, მისგან დამოუკიდებელის—ფილოქსერასი. ეს მეტად დიდმნიშვნელოვანი განმარტებაა იმ მხრითაც, რომ მებატონეები ხშირად თხოულობდნენ, რა კი ვენახი აღარ ვარგობს ამა თუ იმ აღგილზედ, ჩვენ მაშინ სახანავ-სათესად აღარ დაეუტოვებთ და ისევ ჩვენ ჩავვაბარეთ საკუთრადო.

* * ამერიკიდან პრეზიდენტის მაკ-კინლეის გარდაცვალებაზე იწერებია: პრეზიდენტი გარდაიცვალა ღამის 2 ს. 15 წ საღამოს 7 ს. 50 წამიდანვე გრძნობა დაჰკარგა. პრეზიდენტის უკანასკნელი სიტყვები იყო: „მშვიდობით! ეს ღვთის განგებაა, აღსრულდეს ნება მისი“. ეს სიტყვები ჩასწერა მკურნალმა მანნმა. ქალ. მაკ-კინლეიმ თავის მეუღლე უკანასკნელად ნახა ღამის 11—12 საათზე; ცოლი იჯდა მომაკვდავთან და ეჭირა იმისი ხელი. ოთახში თითო თითოდ შედიოდნენ კაბინეტის წევრნი. სიკვდილის დროს იქ დაესწრნენ კერძო მდივანი კორტლაიონი, ექიმი რაირი, ქალბ. ბერბერი თავის ქალითურთ და ქალ. დენკენი. რადგანაც ვერ გამოიკვია პირდაპირი მიზეზი სიკვდილისა, გვამის გაჭრა საჭიროა. ცხედარს ვაშინგტონში წასვენებენ და იქ დაასაფლავებენ სახელმწიფო ხარჯით. ვიცე პრეზიდენტი რუველტი ფიცს იქ მიიღებს, სადაც გაიგებს პრეზიდენტის გარდაცვლას. მინისტრები მაშინვე დაეთხოვებიან თავიანთ თანამ-



დებობას, რომ საშუალება მისცენ რუველტს, თუ ჰსურს, ახალი კაბინეტი შეადგინოს.

* * უმაღლეს მთავრობას გადაუწყვეტია შეუდგეს ციმბირსა, იმიერ კასპიის მხარესა და სხვა ოლქებში, სადაც თავისუფალი ადგილებია, ამ ადგილების გამოკვლევას შიდა რუსეთიდან ხალხის გადასახლებლად.

* * ფინანსთა სამინისტროს აზრად აქვს გააფართოვოს ლოთობის წინააღმდეგ მეზობელ საზოგადოებათა მოქმედება. უმთავრესი ყურადღება მიექცევა სახალხო წიგნთ-საცავებისა და სამკითხველოების გამართვის საქმეს. ამისათვის სამინისტროს უკვე გადაუღვია საჭირო თანხა.

* * პარასკევს, 7 სექტემბერს, წერა-კითხვის გამავრცელებელ საზოგადოების სამკითხველოში (სათავად-აზნაურო შენობაში) კრება მოხდება საკვირაო სკოლების საქმეების შესახებ მოსალაპარაკებლად.

* * საიუბილეო გამოფენა გახსნილ იქნა ყოველ დღე ხალხისათვის პავილიონების დასათვალიერებლად დილის 8 საათიდან საღამოს 6 საათამდე, ხოლო გასართობებზე დასასწრებლად ნაშუადღევს 1 საათამდე.

* * ტფილისში ამ ჟამად გამოფენისა გამო დიდ-ძალი ხალხის მოძრაობით სარგებლობენ ჯიბგირ-ქურდ-ბაცაცები და აქეთ-იქით დასუნსულბენ საკბილოს რასმეს წააწყდნენ საღმე.

* * კავკასიის სასოფლო-სამეურნეო საზოგადოების საბჭოს ვიცე პრეზიდენტმა სთხოვა გამოფენის ბეჭდითი სიტყვის განყოფილების გამგეს ბ. ყორღანოვს შეადგინოს მოკლე მოხსენება ადგილობრივ პრესის შესახებ და წარუდგინოს სამეურნეო საზოგადოების საიუბილეო კრების დროს 30 სექტემბერს. მოხსენებაში აღნუსხული უნდა იყოს ადგილობრივ ჟურნალ-გაზეთების ეხლანდელი მდგომარეობა და მისი მიუცილებელი საჭიროებანი. ამ ფრიად საყურადღებო საგანს საიუბილეო კრებაზე განიხილავს საზოგადოება და საქმის გამორკვევის შემდეგ შესაფერს მიმართულებას მისცემს ადგილობრივ დრო გამოშვებით გამოცემათა სურვილს.

* * გამოფენის პირველ დღეს კომისარიატს შემოსვლია გამოფენაზე შესასვლელ ბილეთებიდან 1000 მან.


* * წელს ტფილისის სასულიერო სემინარიის პირველ კლასში მიიღეს სულ 26 მოსწავლე, მსურველთა რიცხვი კი 60 აღიოდა. მიღებულთა შორის ქართველი მხოლოდ ცამეტია, დანარჩენი რუსები და ბერძნები არიან. ამ ექვსი წლის წინად ტფილისის სემინარია ქართული სემინარია იყო მოსწავლეთა რაოდენობით. სასურველია გავიგოთ, რით აიხსნება სემინარიაში წელს მიღებული ქართველ მოსწავლეთა რიცხვის ასეთი სიმცირე. ვიმეორებთ, ტფილისის სემინარია უმთავრესად ქართველ სასულიერო წოდების სასწავლებელი იყო და უნდა იქმნეს კიდევ. (ს. ცნ. ფურც.)

* * გაზეთები იუწყებიან: პრეზიდენტი რომ მორჩენილიყო. მის დამპყრელს 10 წლით გააგზავნიდნენ კატორღაშიო. ამერიკის კანონის ძალით, პრეზიდენტისა და უბრალო მოქალაქის დაქრისათვის ერთნაირი სასჯელია დანიშნული. რაკი პრეზიდენტი გარდაიცვალა, ამიტომ შეიძლება ჩოლოგოსი სიკვდილით დასაჯონო. ამ საქმეს ბუფალოს შტატის სასამართლო გაარჩევსო.

* * უკანონოდ შობილ—მიგდებულ ბავშთა შესახებ ამ მიმდინარე წელში ითხოვება ექვსი ათას ხუთასი მანეთი, იმ თექვსმეტი ათას მანეთზე მეტი, რომელიც დღემდის იხარჯებოდა. ეტყობა კეთილზნეობა წარმატებისაკენ მიდის!..

* * ჩვენის საეკლესიო მუზეუმის ხელთნაწერთა შორის მეთორმეტე საუკუნეში (ვგონებთ, ცოტა ადრეც) შედგენილი ხელნაწერი (ბომბიციანახედ) აღმოჩნდა, რომელშიაც ქართლის კათოლიკოსის დიდის არსენის შემდეგი ნაწერებია მოთავსებული: ცხოვრება წმ. ნინოსი, შიო მღვიმელისა, დავით გარეჯელისა, აბებოს ნეკრესელისა, ისე წილგნელისა და სხ. ამ კრებულშივე მოთავსებული ყოფილა „სიბრძნე ბალავარისაც“, რომლისაგანაც მხოლოდ რამდენიმე ფურცელი-ლა დარჩენილა; იგი საკმაოდ განსხვავებულია ბ. თაყაიშვილის გამოცემულის ტექსტისაგან. ამ ფურცლების გამოცემას აპირობს ჩვენი მოღვაწე ა. ხახანაშვილი, რომელსაც ამ ცოტა ხანში სისწორით გადაღებული პირი გავგზავნება.

* * საიუბილეო დღესასწაულების გამო ტფილისის გუბერნატორის განკარგულებაში გადასცეს 25,000 მ. აქედან 500 მანეთი უნდა დაიხარჯოს



კავკასიელ ჯარების ვეტერანებისათვის დღესასწაულის გასამართავად და დანარჩენი 20,000 მან. ხალხის გასამასპინძლებლად. ტფილისის გუბერნიის მცხოვრებთაგან უნდა ჩამოვიდეს იუბილეისათვის 800 წარმომადგენელი. ამათი დაბინავება და შენახვის საქმე მინდობილი აქვს ტფილისის პოლიციმეისტერს.

* * მიწად-მოქმედების სამინისტრომ ნება დართო კავკასიის სამეურნეო საზოგადოებას გამართოს 15 სექტემბრიდან 20 ოქტომბრამდე კრებები მიწად-მოქმედებისა, მეღვინეობისა და მევენახეობისა, საოჯახო მრეწველობისა, საქონლის მოშენებისა და მერძეობისა. კარგი და პატიოსანი, მაგრამ ამ მოკლე ხანში ვინ უნდა მოასწროს საჭირო მოხსენების წარმოდგენა?

* * კავკასიის გამოფენის გამგე კომიტეტის განკარგულებით, 5 სექტემბრიდან გამოფენაზე შესასვლელი ფასები იქნება: დღისით, გამოფენის უმთავრეს პავილიონის დახურვამდე 20 კაპ., საღამოს 30 კაპ., კვირა-უქმე დღეებში კი დღით 10 კაპ., და საღამოთი 20 კაპ.

* * მოგეხსენებათ, რომ საიუბილეო დღესასწაულობას ხარჯი მოუა. ამ ხარჯის დასაფარავ შემოსავალს საზოგადოებისაგან ელიან. როგორც მოგვითხრობს «ცნობის ფურცელი», აქამდე ტფილისის მცხოვრებთაგან შემოსულა საიუბილეო დღესასწაულის მოსალოდნელ ხარჯების დასაფარავად სულ 119 მანეთი.


* * როგორც შევტყვევთ, უმაღლესის მთავრობის ბრძანებით, ბ. დ. კეხელი განთავისუფლებულ იქნა იმ სასჯელისაგან, რომელიც ამ რამდენიმე წლის წინად გარდაუწყვიტა ტფილისის სამოსამართლო პალატამ; კეხელს სამშობლოში ცხოვრების ნება მიენიჭა.

* * სასულიერო უწყებაში აღუჩრავთ საკითხი იმის შესახებ, რომ სიცოცხლის სავალდებულო დაზღვევა იქმნას დაწესებული ყველა სასულიერო პირთათვის. ამ საგნის განსახორციელებლად აპირებენ ყოველ ეპარქიაშია განსაკუთრებულ დამზღვევ კომიტეტების დაარსებას.

უმადლესი რესკრიპტი მისა იმპერატორს უმაღლესობას, დიდი მთავრის მისეილ ნიკოლაძის ძის შესახებ საქართველოს რუსეთთან შეერთების ასი წლის დღესასწაულობის გამო.

თქვენო იმპერატორებთი უმაღლესობაჲ! საქართველოს რუსეთთან შეერთების 100 წლის თავის მნიშვნელოვან დღესასწაულ დღეს, მე სიამოვნებით ვიგონებ ამ სახელოვან ისტორიულ გარემოებას. ასი წლის წინად საქართველოს მეფემ გიორგი ირაკლის ძემ თავისი თავი და თავისი ქვეყანა გადასცა ღვთივ განსვენებულის იმპერატორის პავლე პირველის მფარველობისა და უფლების ქვეშე. ასეთმა თვის ნებითა დამორჩილებამ დასაბამი დაუდო საქართველოს რუსეთის იმპერიასთან განუყოფელ შეერთებასა და რუსეთის მპყრობელობის გავრცელებას კავკასიის ქედის იქეთა მხარეს. ამ დროიდან ქართველი ხალხი და განსაკუთრებით ქართველი თავად-აზნაურობა შეურყეველად იმჩნევნ რუსეთის ხელმწიფეთა და ახალ სამშობლოსა მიმართ ერთგულების მაგალითისა. ბრძოლის ველებზე, სადაც კი წარსულ საუკუნის განმავლობაში ჩვენნი ჯარი შეხვედებოდა ხოლმე რუსეთის მტერთ, ქართველ მოაგართა, თავადთა და აზნაურთა წინაპარნი თავის სისხლს ღვრიდნენ რუსის საქმისათვის და თავის განუზომელ სიმაჰაცით ჩვენის იარაღის გამარჯვებას ხელს უწყობდნენ. ცოტანი არ არიან ქართველ თავდააზნაურთაგანი, რომელთაც დაუვიწყარი სახელი მოიხვეჭეს, როგორც რუსეთის ჯარის სარდლებმა; ამგვარივე სახელი თავად-აზნაურებმა მოიხვეჭეს და დაიმსახურეს თანამედროვეთა პატივისცემა და შთამომავალთა კეთილი მოგონება თავის სასარგებლო მოღვაწეობით საქალაქო მართვა-გამგეობაში.

სიმართლით მოვიგონებ ქართველ თავად-აზნაურთა რუსეთის წინაშე ღვაწლსა, რომელიც არა ერთხელ მოწყალედ იყო დაფასებული ჩემ წინაპართაგან, და ვუცხადებ თავად-აზნაურობას ჩემს იმპერატორულსა და მეფურს სათნოებასა. ამ სათნოების ცხად ნიშნად იყოს აღრჩევა დღევანდელს დღესასწაულებზე ჩემს წარმომადგენლად საიმპერატორო სახლეულობის უხუცესის წევრის—თქვენის იმპერა-



ტორებითს უმაღლესობასა, რომელმაც კავკასიის თავის ბრწყინვალე და კეთილ დიდის ხნის მმართველობით იქაურ მცხოვრებთა გულწრფელი სიყვარული და ერთგულება მოიხვეჭა.

სურვილი მაქვს საქართველოს რუსეთთან შეერთების ასის წლის შესრულება აღვნიშნო ზოგიერთ ღონისძიებათა მიღებით, რომელთა შემწეობით შეიძლება ქართველ ერის უმთავრეს საჭიროებათა დაკმაყოფილება. ამიტომ კეთილად ვცნობ:

1) დაარსდეს კავკავში კადეტთა კორპუსი და ამ საშუალებით მოემატოს იმ უფასო ვაკანსიების რიცხვს, რომელნიც აქამდე ეკუთვნოდნენ ტფილისის და ქუთაისის თავად-აზნაურების შვილებს.

2) ტფილისისა და ქუთაისის გუბერნიების თავად-აზნაურთა შვილების აღზრდის საქმეში დასახმარებლად მიეცეს სახელმწიფო ხაზინიდან ყოველ წლივ ორმოცი ათასი მანეთი ორივე გუბერნიებზე; ამ ფულის ხარჯვისა და მოხმარების შესახებ წესები უნდა შეიმუშავონ ადგილობრივმა სათავად-აზნაურო საგუბერნიო კრებებმა და თავისი მოსაზრებანი წარუდგინონ კავკასიის მთავარ-მართველს, რომელიც სათანადო მსვლელობას მისცემს მათ არსებულის კანონების მიხედვით.

3) ტფილისისა და ქუთაისის გუბერნიების თავად-აზნაურთა მამულები, რომელნიც 12 ივნისის 1900 წლის სენატისადმი ბრძანებით განთავისუფლებულ იქმნენ სამის წლით (1901—1903) სახელმწიფო საადგილ-მამულო გადასახადისაგან, კიდევ სამის წლით (1904—1906) განთავისუფლებულ იქმნენ ამ გადასახადისაგან.

4) მიეცეს ნება ტფილისის სათავად-აზნაურო საგუბერნიო კრებას თავის უხედეულებით მოიხმაროს ტფილისის სათავად-აზნაურო ბანკის წმინდა მოგების ის ნაწილი, რომელიც წესდების ძალით, ხმარდება ტფილისის გუბერნიის მიწად-მომქმედთა და მიწად-მფლობელთა საზოგადო საჭიროებასა და სამეურნეო თანხის გადიდებას; საგუბერნიო კრების დადგენილებანი ამ ფულის დახარჯვის შესახებ, უნდა წარედგინოს კავკასიის მთავარ-მართველს დასამტკიცებლად.

5) ტფილისის თავად-აზნაურთ მიეცეს ნება, თუ ვინიციობა ბანკი თავის მოქმედებას მოსპობს და ფულს გაანაწილებს პროპორციონალურად იმ წყაროების მიხედვით, რომელთაგან შესდგა ბანკის

თანხები, დაისაკუთროს ამ თანხების ის ნაწილი, რომელსაც შეადგენს ღვთივ განსვენებულნი იმპერატორის აღექსანდრე მეორის მიერ ბოძებული ფული, და

6) ეპატოს ადგილობრივ სახაზინო პალატების მიერ 1901 წლის 1-ლ იანვრამდე აღნიშნული ნედრომკა და ჯარიმა იმ სახაზინო გადასახადისა, რომელიც 1900 წელს, 12 ივნისს, ჩემის ბრძანებით გაუქმებულ იქმნა ამიერ-კავკასიაში.

მე წინადადება მივეცი სათანადო მინისტრებს აღასრულონ ეს ჩემი ბრძანებანი და თქვენს იმპერატორებით უმაღლესობას ვანდობ გამოუცხადოთ ყოველივე ესე ტფილისისა და ქუთაისის თავად-აზნაურობასა და ამიერ კავკასიის ყველა მცხოვრებთ.

დავშთები მუდამ თქვენი კეთილ-მყოფელი ნამდვილზე მისი იმპერატორებითი უდიდებულესობის საკუთარის ხელით დაწერილია:

და გუჯითადა თქვენი მასიფვარუყე ნიკოლოზჲ კომპიენ, 7 სექტ. 1901.

ეს რესკრიპტი წაკითხული იყო მთავარ-მართველისაგან მისს სასახლეში 26 სექტემბერს, დილის ათი საათის ნახევარზე, სადაც შეკრებილი იყვნენ ტფილისის და ქუთაისის თავად-აზნაურთა წარმომადგენელნი თავად-აზნაურებთან ერთად. მათი იმპერატორებითი უმაღლესობამ დიდმა მთავარმა მიმართა თავად-აზნაურობას შემდეგი სიტყვით:

«მე დიდად ბედნიერი ვარ, რომ ხელმწიფე იმპერატორმა კეთილ ინება და უმაღლესად ღირს მყო საქართველოს რუსეთთან შეერთების ასის წლის თავის დღესასწაულებზე ვიყო წარმომადგენლად მისს უდიდებულესობისა. იმის მოგონება, რომ განუყრელის კავშირით შეერთდნენ რუსეთისა და ქართველთა ერნი სამუდამოდ ხელმწიფეთა უფლების ქვეშე, ძვირფასი უნდა იყოს ყოველი რუსისა და ქართველისათვის. ამიტომაც თქვენი დღესასწაული ჩემ დღესასწაულად მიმაჩნია“.

უმაღლესი რესკრიპტის წაკითხვის შემდეგ დიდმა მთავარმა მიხეილ ნიკოლოზის ძემ მიულოცა თავად-აზნაურთ ხელმწიფის წყალობა და უსურვა მათ ყოველივე კეთილი. თავად-აზნაურნი „ვამას“ ძახილით მიეგებნენ რესკრიპტს და დიდი მთავრის მილოცვას.



სწავლა და მეცნიერება ქრისტიანობრივ სარწმუნოებასა და კეთილ-ზნეობაზე.

ს ი ტ მ ვ ა,

თქმული 8 სექტემბერს—მღვთის-მშობლის დაბადების დღეს გელათის ტაძარში.


შობამან შენმან, ღვთის-მშობელო ქალწულო, სიხარული აუწყა ყოველსა სოფელსა.

შობა, დაბადება, შეძენა ოჯახში ნორჩი სულისა აუწყებს სიხარულს, აღავსებს მხიარულებით, შესძენს შვებას და ბედნიერ ჰყოფს ხოლმე მთელ სახლს. დღე ძეობისა, დღე ახალი წვერის დაბადებისა ყოველ შეგნებულ, გრძნობა-გონებით განვითარებულ და სულ ჩამდგმელი სიყვარულით მომქმედ ოჯახს აქვს მიღებული საღიბნოთ და საღმრთისასწაულოთ. მაგრამ განა ეს მხოლოდ კერძო პირებისა და ოჯახების შესახებ ითქმის? განა მარტო კერძო პირებს და ოჯახებს აქვთ მიღებული სამხიარულოთ ოჯახის წვერის დაბადების დღე? არა, მსგავსივე შეხედულებისაა მთელი ერიც. ღმრთისასწაულობს, აღმართოვანებული მხიარულობით და ქრისტიანული გულსმოდგინებით ეგებება ყოველთვის ერი თავისი კეთილისმყოფელის, თავისი მეფის დაბადების დღეს. ვის არ აქვს გამოცდილი ის ზეციური სიამოვნება, ის სულით ერთობა საზოგადოების წევრთა შორის, ის ამამაღლებელი სიყვარული ერთმანეთისა, რომელიც ნათელ-სხივად ჩაგვეფრება ხოლმე ყველას გულში მეფის დაბადების ღმრთისასწაულობის გამო.

დიად, სწორედ სასიხარულო და საღმრთისასწაულოა ადამიანის, მღვთის მსგავსების შობა, გარნავისი შობა შეედრება იმის შობას, რომელიც არის ქერუბიმთა უზატოხსენსი და სერაფიმთა უმაღლესი?! დილია მეფის დაბადების დღე; მეტად მაღალ გრძნობებს უღვიძებს იგი ერს, მაგრამ რომელი მეფის დაბადება დაედრება იმის დაბადებას, რომელიც არის მეფობის დაუნდგველი ზღუდე; სოფარველი სოფლისა, უგრცელესი ღრუბელთა, ბჭე ცხვრებისა, ხიდი, წიად-მეფანებელი ქვეყანისათა ცად მაიმართ?! როგორ დაივიწყებს და რა გვარად არ იღმრთისასწაულებს კაცი იმ დღეს, რომელიც გვიშვა შეუწევნელთა შემწე, უსასოფთა სსო, გლახკათა შესავედრებელი, მწუსრეთა ნუკეშინისმცემელი, მშიერთა გამომზრდელი, შიშველთა სამოსელი, სნუელთა მკურნალი, ცოდვილთა ცხვრება, ქრისტიანეთა შემწე და შესავედრებელი?!

გვრწამს, გვრწამს, ღვთისმშობელო ქალწულო, და მთელი ჩვენი არსებით ვაღვიარებთ, რომ შობამან შენმან სიხარული აუწყა ყოველსა სოფელსა! ვხედავთ, რომ დღეს საქრისტიანო უგალობს შენსა შობასა, ქრისტიანეთა ბაგენი აღიდებენ შენი დაბადების დღეს, ქრისტიანეთა გონება გამოსთქვამს ამ საღიბნო დღის სიღიადეს და ჩვენცა, მხურვალედ მსასობელნი შენზედა, აღვიღნი უზომო სიხარულით, თაყვანისცემით, ვადიდებთ და დიდების ვმეტყველებთ შენსა დაბადებასა!

მხოლოდ ჩვენი ამ გვარი ღმრთისასწაული და მხიარულობა არის საზოგადო, სხვა ქრისტიანებთან საერთო; ჩვენ კ, ე. ი. ქართველებს, გვმართებს სხვებთან შედარებით განსაკუთრებითი, მომეტებული და უაღრესი სიხარული, რადგანაც ჩვენი სამშობლო, ზეციერი მამის ხელით ჩაწვენილი ორ ზღვათა შუა საოცნებო აკვანში, ზეციერმა დედამ ღირსი გახადა თავისი განსაკუთრებითი მფარველობისა, გააბედინრა თავისი წილხდომილებით. ამ ღვთისმშობლის დედობრივი მფარველობის ქვეშ გაიზარდა, აღორძინდა, მდიდრად გაიფურჩქნა და იავარდად გადიშალა ჩვენ ქვეყანაში მართლმადიდებლობა, ქრისტიანობა, სახარება; ამ ფარველობამ აღმოგვიბრწყინა ჩვენ დაუღამებელ ცისკრად წმ. მოციქული ანდრია, ღირსი დედა ნინო, ათცამეტა მამანი ასურელი, წმიდა მოწამენი—შუშანიკა, დავით და კოსტანტინე, არჩილ და ლუარსაბი, შალვა, ბიძინა



და ელისბარი, ქებული ქეთევანი და სხვები, რომლებმაც ცხოვრებით და ქადაგებით განამტკიცეს ქართველთა შორის ქრისტიანობა, აღზარდეს ერში ეკლესიის ერთგულება, დაუბადეს მას მხურვალე სიყვარული ღვთის სიტყვისა, აგემეს ციური სიტკბოება სამშობლოსა და ენისათვის თავდადებითი ზრუნვა-დაცვისა, გაანელეს თავიანთი ოფლით და სისხლით მძლავრი ალი კადნიერი მაჰმადიანებისა და სამუდამოდ დაბეჭდეს ჩვენს ქვეყანა სჭურჭეღითა შვიადობისათა, უძლეველი სძლეველითა, ჯვარათა უფლად ძლიერათა.

ღვთის მშობლის განსაკუთრებითი მფარველობას უნდა მიეწიროს, რომ ჩვენ წინაპარებს მტკიცედ ჰქონიათ შეგნებული თავიანთი ესოდენი ბედნიერება და ამის გამო როგორც შინ, ისე გარეთ, როგორც ღმერთში, ისე გაქირვებაში ქალსაც და კაცსაც გული და გონება მუდამ მიმართული ჰქონიათ ღვთისმშობლისადმი, მაზედ ჰქონიათ მათ დამყარებული მთელი სასოება, მუდამ მისს ვედრებაში ყოფილან და მგზავრობაშიაც კი არ მოუშორებიათ აკათისტიკონის წიგნაკი, რათა არასადა დასდუშებულეუგუნენ ღვთისმშობლის ძლიერებათა ქებად. ჩვენ ძვილებს მთელი თავიანთი ქონება, ძვირფასი სამკაული, ჯანი და მოსვენება ზედ შეუღევიათ თავიანთი სასო ღვთისმშობლის დაბადების სახელობაზედ ტაძრების აღშენებისთვის, რომლებიც (ტაძრები) დღესაც უვნებლად სდგანან და იმ ზომად აბრწყინებენ ჩვენი სამშობლოს ღვთის მადლიანი მარჯვენით მოხატულ სახეს, როგორც ღვთისავე ხელით მაზედ გადაშლილ ლაქვარდ ცას აელფერებენ ნათელმფრქვენი და საოცნებოდ მოკამკამე ვარსკვლავები. არ მგულღვება ისეთი კუთხე საქართველოსი, რომ დღესერი არ უგალობდეს ღვთისმშობლის დიდებულ ტაძარში. მაგრამ როგორც მლოცველთა სიმრავლით, ისე ტაძრის მშვენიერებით და სიღიალით დღეს მთელ საქართველოში პირველობს იმერეთი თავისი სიქადული, თავისი დიდება, თავისი ზეციური გვირგვინი, ობოლ მარგალიტი—გელათის ტაძრით.

გელათი! ოჰ, რამდენ მალალ გრძნობას უღვიძებს გულში იმერეთის შვილს ამ სამლო წოდების გაგონება! რა აღმტაცი, უმანკო, საღმთო და გამამხნევებელი მოგონებით უვსებს გონებას ეს ძვირფასი სიტყვა იმერეთის ძეთა და ასულთა! გელათი! ეს ხომ იმერელთა რწმენით ღვთისმშობლის საბრძანებელია, ღვთისმშობლის მალალი ტახტია, ეს ხომ ის ალაგია, საიდანაც დაუღვენველად ეფინება ჩვენ სამშობლოს ღვთის დედის მადლი და კურთხევა, მისი ზეციური მფარველობა! რომელ იმერელს დაუტკბია თავისი სული ღვთისმშობლისადმი მხურვალე ლოცვა-ვედრებით, რომ ამავე დროს სულით და გონებით არ ყოფილიყოს გელათის ტაძარში? რომელი იმერელია, რომ გელათის გაგონებასთან ერთად არ წარმოუდგეს გონებაში ღვთაებრივი სახე ყოველად წმ. ღვთისმშობლისა? გელათი და ღვთისმშობელი, ღვთისმშობელი და გელათი განუშორებლად შეერთებულია იმერელის გონებაში. ამის გამო ყველას სწყურია ამ ქვეყნიური სამოთხის ხილვა, ყველას ენატრება ამ საღმთო ალაგის თაყვანისცემა, ვალად უდებს შვილს ამ ტაძრის მოლოცვას ყოველი დედა. ვასრულებთ კიდევ ამ ჩვენი სულის ძლიერ მოთხოვნილებას; ყოველ წლივ ათასობით ვიკრიბებით ამ დიდებულ სალოცავის ფრთვთა ქვეშე, მაგრამ რას ვხედავთ? რა სანახავს და წარმოდგენს ეს ჩვენი ერთად ერთი დიდება, ჩვენი სახელი? შიგნით წვიმს და თოვლს ჩამოურეცხავს, გადუღევია და ჩამოუხლეჩია წმინდანების სახეები, გარეთ ქარსა და გრიგალს დაუფხავებია და გამოუვიღავს მთლად კედლები! რამდენიმე წელი კიდევ და დიდებულ გელათიც მიიღებს იმავე სახეს, რომელითაც გულს უკლავს და სიცოცხლეს უნადველებს დღეს ყოველ შეგნებულ ადამიანს ქუთაისის ბაგრატის ტაძარი. წავა გელათი და მასთან ერთად დაიმარხება ჩვენი ხსენება. წავა გელათი, და მოგვეშლება ზეციური მფარველობა ღვთისმშობლისა. წავა გელათი და შერცხვენილნი დავრჩებით ქრისტიანებში. ნუ თუ მოვიტმენთ ამ უბედურობას? ნუ

თუ არას ვიზრუნებთ ყოველად წმიდა ღვთისმშობლის სახელისათვის? ნთ თუ გელათის ტაძარს თავზე დავინგრევთ? არა, არა მსურს ამისი რწმენა, არ მინდა დავიჯერო. რომ იმერეთში დიდი და პატარა, ქალი და კაცი, შინ მყოფი და სხვაგან წასული, სწავლული და უსწავლელი, სასულიერო და საერო თავს არ დასდებენ გელათისთვის, დაიშურებენ რასმეს მისთვის, მსხვერპლად არ შეეწირებიან მას. ისმინეთ, ძვირფასო შვილებო, გელათი ინგრევა, ისმინეთ და მისი ჯეროვანი განახლებისთვის საჭირო შეწირულებათა გამოღებით დაუმტკიცეთ ღვთისმშობელს და საქრისტიანოს სიწრფელე და სიმტკიცე თქვენი სარწმუნოებისა. ამინ!

ეპისკოპოსი ლეონიდა

სახელმძღვანელო, საყურადღებო, საჭირო და სასარგებლო ცნობათა განყოფილება.

საეჭვო კითხვების განმარტება.

- კით. უნდა ჩაიწეროს თუ არა მღვდლის ნამსახურებითი სიაში, რომ მღვდელი მართავს მღვთისმსახურების გარეშე საუბრებს, იმყოფება მოძღვრად დედათა მონასტერში და ითვლება რომელიმე ძმობის წევრად? თუ ყოველივე ესეები უნდა ჩაიწეროს, საჭიროა თუ არა ამის შესახებ ნება-რთვა ეპარქიის მთავრობისა?
- მიგ. ღვთის-მსახურების გარეშე საუბრების გამართვა შეადგენს თითოეული მღვდლის პირდაპირ მოვალეობას, ამიტომ ამის ჩაწერა ნამსახურ-

ბითი სიაში, ჩვენის აზრით, საჭიროა ვერაფრის; არც მისი ჩაწერაა საჭირო, **ბრძანება** მღვდელი იმყოფება მოძღვრად; რომელიმე ძმობის წევრად აღნიშვნა საჭიროა ნამსახურებითი სიაში იმიტომ, რომ ძმობის წესდების ძალით ძმობის წევრთ ნება აქვსთ ატარონ განსაკუთრებითი ნიშნები. ამის ჩაწერისათვის, თუ კი მღვდელს აქვს შესაფერი მოწმობა, რომ იგი იმყოფება წევრად და, მაშასადამე აქვს უფლება ატაროს ეს ნიშანი, საჭირო არ არის მღვდელ-მთავრის ნება-რთვა.

- კით. შეუძლია თუ არა კრებულის რომელიმე წევრს, რომელსაც მოწმობის ჩვენებით დაუმტკიცდა მრუშობა და თვითონაც გამოტყდა კრებულის სხვა წევრებთან თავის მიერ ჩადენილ მრუშობაში, დარჩეს სამსახურში?
- მიგ. სასულიერო კონსისტორიის წესდების მე-186 მუხლის ძალით კრებულის წევრს, რომელსაც კი დაუმტკიცდება გარყენილი ცხოვრება, არ შეუძლია კრებულში დარჩენა. იგი მაშინვე გამორიცხულ უნდა იქნეს.

შ ი ნ ა ა რ ს ი:

სალიტერატურო განყოფილება: კავკასიის სამრევლო-სასოფლო გამოფენა. დეკ. დ. ღამბაშიძისა — ორი უმთავრესი ცენტრი ქართველთა განათლებისა. იმ ვართავასა. — მართლმადიდებლობით — ქრისტიანებრივის საეკლესიო საზოგადოებითის ღვთის მახსურების განმარტება. კაჭახიძისა. — მეექვსე საბლალაოხინო ოლქი ბორჩალოს მაზრაში. მღ. ს. ბაიდაშვილისა. — „მწყემსის“ კორრესპონდენცია. მღვ. ექ. მაისურაძისა. — წერილი რედაქციისადმი. კ. კ. -სა. — ოცდაათი წელიწადია აქა ვარ და დავრწმუნდი, რომ წესიერების დამყარება აქ არ შეიძლება. დეკ. დ. ღამბაშიძისა. — ფონოგრაფით გადაღებული სახალხო სიმღერა. — გონების სალაროდან. — ჟურნალ-გაზეთებიდან. — ახალი ამბები და შენიშვნები.

სწავლა და მმართველობა ძრისტიანობაში სარწმუნოებასა და კითხილ-წმობაზე: სიტყვა, თქმული 8 სექტემბერს — მღვთის-მშობლის დაბადების დღეს გელათის ტაძარში, ყოველად სამღ. იმერეთის ეპისკოპოსი ლეონიდის მიერ.

საჭირო და სასარგებლო ცნობათა განყოფილება: საეჭვო კითხვების განმარტება.

რედაქტორ-გამომცემელი დეკ. დ. ღამბაშიძე.

Редакторъ-Издатель П. Д. Гамбашидзе.

Дозволено цензурою, Тифлисъ, 18 сентября 1901 г. ♦ Цензуръ прот. Е. Елиевъ

Гл. ред. редакція журн. „Пастыръ“ (П. Д. Гамбашидзе) въ Кутаисѣ, въ д. А. Дейсадзе на Нѣмецкой ул.